

BAHEBERU, KHAOLO EA BONE

¶ ...ke ho tseba haholoanyane ka Morena oa rōna ea bokoang. 'Me oo ke morero oa rōna—rōna ho phutheha mona, sepheo ke sona seo, 'me, joale, le ho rapella bana ba Molimo ba kulang. 'Me hoseng hona re filoe mahlohonolo a—a babatsehang ho tsoa Mangolong.

² Re ntse re leka ho tšoara, nako efe ea tšebeletso, karolo ea... Ke ntse ke ruta Buka ea Baheberu, esale, liveke tse 'maloa joale. 'Me joale, ha Morena a ratile, re tla tsoella bosiu ba Laboraro, le hoseng ha Sontaha le bosiu ba Sontaha, joalo, haeba ke sa le koano nakong ena. Hase tsoseletso, empa ke tsoseletso, ke kopano ea masiu a rōna a tloaelo. 'Me ka hona rōna haholo, re thabetse haholo ho fumana nako ena ea ho kopana le metsoalle ea rōna e lokileng mathokong a metse, le ka mathoko ho Falls Cities mona. 'Me haeba—haeba re ka hlakola letho kapa ho hong, ekaba Morena a ka re tataisetsa, ka potlako, ho... mohlomong re ka fumana masiu a 'maloa, e ka bang, kahara jimi kapa ho hong, ka mora nakoana, haeba Morena a bonahetse a tataisetsa nqa eo, moo re ka bokanyang batho ba rōna 'moho.

'Me re bone batho ha re ntse re nyoloha, re khutla, ba re, "Sebaka sa ho kena se—se ne se le sieo." Hobane, tabernakele e nyenyane haholo. E lula feela, batho ba 'maloa feela, 'me re thabetse ha le ikemiselitse ho tsoa le ho lula mochesong, ho utloa Lentsoe la Morena. 'Me re rapela monono oa Molimo, ho le hlohonolofatsa le ho le thusa ka ho khaphatseha.

³ 'Me joale, bosius bona, re batla, re qala ka ea 4 kha.... Ba bakae ba neng ba etile hoseng hona? A re boneng matsoho a lona. Oh, ho a babatseha, bonnyane kaofela ha lona. 'Me re hona mono, re qala, ka khaolo ea 4 ea Buka ea Baheberu. Oh, ke Buka e babatsehang hakakang! Na le a E thabela? [Phutheho e re, "Amen."—Mong.] 'Me ke ho bapisa Lengolo ka Lengolo.

⁴ 'Me Pauluse, le pele a ka paka ka boiphihlelo ba hae, o ne a tlamehe ho theohela Arabia pele ho fumana, ka Lentsoe haeba e ne e le 'Nete. Ke rata hoo. 'Me thutong ea hoseng hona, re fumane, thutong ea hoseng hona, hore Kreste e ne e le eēna maobane, kajeno, le kamehla. 'Me Pauluse o fumane eona Topallo ea Mollo e tsamaisitseng bana ba Iseraele, e ne e kopane le eēna tseleng e eang Damaseka. Re fumane Topallo ea Mollo, e tsamaisitseng bana ba Iseraele kantle lefeelleng, ho ea lefatseng la pallo, e kopane le Pauluse tseleng e eang Damaseka, ea ba ea Ipitsa, "Jesu."

⁵ Eaba re fumana borena ba makhonthe ba boMolimo ba Jesu Kreste. Buka eohle mona e mpa e le tšenolo ea Jesu Kreste. 'Me

O tlie, rea fumana, "Mehleng ea khale le ka mekhoa e mengata, Molimo o buile le bontate ka baporofeta; matsatsing ana a bofelo ka Mora oa Oona, Kreste Jesu." O Itšenotse. 'Me Buka eohle ho tloha ho Genese ho fihla ho Tšenolo hase letho haese tsoelliso, e sa feleng, ea tšenolo ea Morena Jesu.

⁶ 'Me re Mo fumane E ne e le eèna ea sehlahleng se tukang. Re Mo fumane E ne e le eèna ea neng a ena le Molimo pele ho motheo oa lefatše. 'Me re fumana, kahara Testamente e Ncha, E ne e le Molimo le Monna, 'moho. 'Me eitseha A tlohela Testamente e Ncha, ho kena Leholidong, O itse, "Ke tsoile ho Molimo, 'me Ke khutlela ho Molimo."

⁷ 'Me eareha Pauluse a kopana le Èèna, keha A nkile sebolepho sa Hae sa mohla A ne a tsamaisa Israele, Topallo ea Mollo. 'Me Pauluse o Mo talimile hantle sefahlehong, a sa sokoloha, 'me Ea mo hlahisetsa bothata ba leihlo matsatsi oohle a ho phela ha hae. O ile a foufala, 'me a sitoa ho bona ka botlalo matsatsi a 'maloa. A tlameha ho isoa seterateng se bitsoang se Lokileng.

⁸ 'Me tlase mono Molimo a ena le moporofeta eo A buileng le eèna, ea bitsoang Ananiase, ea ileng a kena, ka pono, a beha Pauluse matsoho, a re, "Ngoaneso Saule, amohela pono ea hao."

⁹ 'Me rea fumana, ke hona, hore oona Moea o Halalelang, Morena Jesu eèna eo, o tlie ho Petrose ka sebolepho sa Leseli a mo lokolla chankaneng.

¹⁰ 'Me re fumana Morena Jesu eo, matsatsing ana, a sa ntse a le kahara Topallo eo ea Mollo (Leseli) le tsamaisang batho ba Hae (Kereke ea Hae), e etsang ntho e tšoanang, e hlahisa lipono; ho kena le ho bea batho matsoho ka pono. Morena Jesu, Ea kopaneng tlung hoseng ha Sontaha se fetileng, ha thoe, "Ho kene monna, ea hlooho e ntšo, ea pulufalang. E ne e le Mogerike. Mohats'a'e o ne a le lilemong tse bohareng, 'me o tla be a lla aletareng."

¹¹ Ba bang ba ne ba e boletse, 'me ba e tseba e etsahala. O ne a holofetse, e-e mothapo oa hae oa tekano hloohong ea hae o putlame. A sa khone le ho laola maoto a hae kapa litho tsa hae. 'Me a foufetse. 'Me ho e paka habeli: ke ile ka bolella mofumahatsana e mong ho tla rapella bakuli, pele, eaba ke fetoha hantle ke re Moena Toms a tl'o rapela. 'Me rôna, re lutse mona, re e shebelletse e phutholoha. 'Me ka ntano theoha ho rapella bakuli, le ho khutla. 'Me eaba o a tla, hantle feela ho latela pono, a ntšoara ka sephaka a qala a lla, a re Ngk. Ackerman o ba rometse koano. Ngk. Ackerman ke motsoalle oa ka e moholo, Katolike. Moshanyana oa hae ke moprista monastering oa—oa Saint Meinrad, le tlase Indiana. 'Me monna enoa o ne a tsoa Jasper. 'Me Morena a mo folisa, a tsoa setulong seo. O ile a ema a tsamaea. A khona ho bona joaloka mang le mang. 'Me a tsoa mohahong, a boetse setloaeling a phetse. Hoo hohle ka pono!

¹² “Moena Saule, Morena Jesu ea ipontšitseng uena tseleng, o nthometse koano ho u beha matsoho, u tle u boele u bone ’me u tlale Moea o Halalelang.” Ho a babatseha.

¹³ “Haele moo rōna, re bona poloko e kana, eka khona re se... Re ke ke ra phonyoha likotlo le khalefo ea Molimo, haeba re sa hlokomele poloko e kalo.”

¹⁴ Joale re tla qala ho bala, bosiusing bona, ho tsoa, le ho qala ka temana ea 4 ea Buka ea Baheberu. Haeba motho a batla ho bala ’moho, mona re tšoere Bibele tse itseng. Haeba ba batla e ’ngoe, khele, e mong oa liashara o tla u tlisetsa eona, ha u ka phahamisa letsoho la hao, Bibele tsena—tsena. Haeba e mong oa baena mona a ka nka... Mona ho robetse Bibele tse peli, kea kholoa.

¹⁵ ’Me joale re tla potlaka, kaha re rerile selallo ka mora nakoana. ’Me moo re qetellang teng bosiusing bona, re tla qala Laboraro bosiu hape. Joale, kea kholoa, palong ea rōna hoseng hona, re qala ka temana ea 15.

¹⁶ Motho e mong, ea sa ntsebeng ke roala ligalase, ke bala ka tsona. Ke ntse ke tsofala. ’Me ke ntse ke khona ho bala, empa ha ke khone ho bala kapele, haholo ha ke tšoere mongolo o mosesane mona, lihlaku tse tšesane.

¹⁷ ’Me ke tsoa hlahljoja mahlo, ho bona haeba ke hlile ke lahleheloa ke pono ea ka. Mahlo a ka keha a etsa leshome-leshome. A re, “Empa u se u tlotse mashome a mane, mora.” Eaba o mpalisa nthoana, ha thoe, “Qala u e bale.” Ka e bala. Ka ’na ka e atamela, ea eketsa ho ba butle le butle. ’Me eitseha e fihla *mona*, ka emisa. Eaba o o cheha ho leshome-leshome, keha ke khona ho o bala hohle. Empa a re, “Taba ke ena, ha u tlola mashome a mane, lipolokoe tsa mahlo a hao lia papetlana.”

¹⁸ Joale, nka sesefatsa mahlo a ka ’me ka balla haufi ha *kalo*, empa u tlameha ho a sesefatsa. Ka hona, eaba o ntokisetra para ea ligalase. Ke khona ho o bona, ho tsoa hohle, leha o le haufi le ’na. Joale, ha o suthela hole le ’na, ha ke bone letho ka lintho tsena. Empa ke khona ho o bala, ho o bala ka ligalase tsena.

¹⁹ Joale, hoseng hona, re ne re tšoere karolo ea ho qetela ea khaolo ea 3 ea Baheberu. ’Me, oh, ra hla ra sibolla moko oa masapo. Joale mamelang. Ke batla ho bala hape, re tle re hahe motheo joale. Hase ho bua ka eona, ke ho e habanya feela.

Ha ho ntse ho thoe, Kajeno ha u...utloa lentsoe la oona, le se ke la thatafatsa lipelō tsa lona joaloka mohla phephetso.

Na ba, bao, ba utloile Lentsoe, eitse hoba ba utloe Lentsoe, ba ba ba o phephetsta ke bafe: na hase bohle ba tlohileng Egepeta ka Moshe.

²⁰ Joale, tabeng eo, hoseng hona, re Mo fihlela a itse, “Le se ke la thatafatsa lipelō tsa lona joale, joaloka mehleng ea phephetso.” Ke mohla Molimo o no o phephetsoa o halefisoa ke bona, ka hobane A ne a ba hlahiselitse Moshe, moporofeta oa Hae, le pontšo e nang le Moshe. Ba bakae, kahara tlelase bosiung bona, ba tsebang seo pontšo eo e ne e le sona? Topallo ea Mollo, Baheberu 13.

²¹ Joale, ha re tsebe haeba phutheho e bone pontšo eo kapa che. Feela Moshe o E bone, hoba Moshe o kopane le Eèna pele sehlahleng se tukang. E ne e le Mollo. Eaba bana ba Iseraele ba utloa Moshe, ’me ba falla Egepeta. ’Me hang hoba ba tsoe Egepeta, Molimo, re fumane, a ba isa lerabeng. Mono, lebotho la Faro keha le ba setse morao, Leoatle le Lefubeli maphakong a mabeli, ’me eaba Molimo o ba fetisa tekong; ’me ba tšoha. ’Me taba eo ea phephetsa Molimo. A re, “U ntse u hooeletsa ho ’Na ka life?” Ha thoe, “Bua feela ’me u tsoele pele.” Ke rata hoo.

²² Joale, ba ne ba setse Moshe morao, joaloka Moshe ha a setse Topallo le Leru, ’me keha ba le leetong la bona la lefatše la pallo. Papiso e khabane ea Kereke, bosiung bona, leetong la rôna le eang lefatseng la Pallo, ho tataisoa ke Moea oona oo, lipontso tsona tseo le meeka eo Molimo o e boletseng.

²³ Joale lemohang. Hape, ba thulane le Lefeella la Sebe. E—e metsi a ne a “baba,” *Marah*. Horeng Molimo o ba isitse metsing a babang? Ea ka O tla ba isa metsing a monate. Empa Oa ba isa metsing a babang A tle a fetise tumelo ea bona tekong. O rata ho etsa hoo. O rata ho tlohela matšoenyeho a u aparele, ho supa hore A ka u bontša lerato la Hae le matla a Hae. Batho ba ka khona joang, kajeno, athe ha ba lumele ho Molimo oa mehlolo, ha matšoenyeho a fihla, ba tèla ’me ba ngala? Empa re lumela hore “Molimo o etsa mehlolo.” A ke ke... Molimo o na le... .

²⁴ Mamela sena. Efèla ha Molimo o sa itšoare ka ho tšoana, ha maemo a tšoanang a hlaha, ekabeba Molimo o molato oa leeme bathong ba Oona. Boikemelo ba Molimo bo Mo qosa ho sebetsa taba ka ’ngoe se ka A sebelitse taba ea pele, ho seng joalo O ne a fositse mohla A sebetsang taba ea pele. Haeba Molimo a sa sebetse se ka A sebelitse tabeng ea pele, haeba A ka itšoara ka ho fapano tabeng ea bobeli, etlaba O sebelitse taba ea pele ka phoso. Haeba Molimo o folisitse bakuli kahara Testamente ea Khale, O tlameha ho e etsisa kahara Testamente e Ncha le kajeno, ho seng joalo O entse phoso mohla A ne a ba folisa morao koana. O tlameha ho itšoara ka ho tšoana, nako le nako. ’Me O tla e etsa, mohla tumelo e teanang le maemo. Phoso e ka ho rôna, ha e ka ho Molimo. Hoba re Mo bona ho ba bang, le ba bangata, a sebetsa mehlolo e tsoileng ka mahetla. Rea e tseba. Mosomi a ke ke a re, “Ha e joalo.” Hoba re E bona e pakiloe, ’me ke eo.

²⁵ Ba kile ba re, “Mpontše mohlolo.” Ha ba sa tla rialo. Saense ha e sa tla e phetha. Re ka pakela lefatše la saense ka

ho tiea. 'Me lefatše la saense le pakile hore Boleng bo mohlolo, bo nkileng sebopoho sa Topallo ea Mollo, bo na le rōna. Setšoantšo sa Hae ke sena, hantle mona, 'me se seng se leketla Washington D.C., bosiung bona. Ke Kreste eèena eo.

²⁶ Ka baka leo, ka nakoana, baena beso ba bareri ba re ho 'na, "Oh, Moena Branham, ke liabolosi eo. U se ke ua tšoenyana le eona." E ile ea ntšosa.

²⁷ 'Me ka hana ho e rera pele Molimo a fihla 'me a e senola, ho re, "Esale Jesu eo, esale Eèena." Oh, ebe moo le lekang ho ntlhohlollla eona? E ke ke ea sebetsa. Hoba, ke Lengolo. Ke Lentsoe la Molimo. Hase boiphihlelo bo lokotsehang feela. Ke boiphihlelo bo tšeheilitsoeng ke Lentsoe la Molimo le tsepiso ea Molimo e bokoang ea Bosafeleng.

²⁸ Joale, holimo mona rea elelloa, hape, hore O boletse.

Na ba le utloileng, ba ba ba o phephetsa, ke bafe: . . .

Ruri. Ba kile ba khathala, nako le nako ha ba fihla ho makhaolakhang. Ebe ba etsang? Ba phatlohe, ba khathale, ba batle ho khutla, 'me, "Ebe hobaneng 'na nka hlaheloa ke sena?"

²⁹ Ntho e hlollang, hoseng hona, ka mora ho rera ka thata hakana, bongata bo tlile aletareng 'me ba E botsa, "Hobaneng ke hlaheloa ke sena?" Na le E bona kamoo e tsamaeang kateng? E feta holima lihlooho tsa batho. Ho sa ntse ho tšoana, batho.

³⁰ Jesu o itse, "Le na le mahlo, empa ha le bone." O itsalo ho barutua.

³¹ Ba re, "Bonang, joale U bua phatlalatsa. Joale rea lumela. Ha ho motho ea ka U bolellang letho, hoba U e bontšoa ke Molimo."

³² A re, "Na joale lea lumela, ka mora nako ena eohle?" Ua bona?

³³ Ha u a tšoanela ho belaela letho, ho Molimo. "Hobane maoto a ba lokileng a laoloa ke Morena." 'Me teko efe e beoa holima hao, ho u fetisa tekong. 'Me Bibele e boletse, "Li feta gauta ka bohlokoa." Efèla ha Molimo o lumella lihloriso tse 'maloa tse bobebé ho u oela holimo, le hopole, ke molemong oa tokiso ea hao. "Mora e mong le e mong ea tlang ho Molimo eka khona a lauoe ke Molimo, le ho lekoia, le ho koetlisoa sa ngoana." Ha ho leeme. "Mora e mong le e mong ea tlang." 'Me lihloriso tsena li hlähisoa, li tlisoa joalo, ho bona karabelo ea maitšoaro a hao. Ua bona? Ke Molimo, holima setša sena sa teko. Ke phetho seo lefatše le leng sona, ke litša tsa teko, moo A ntseng a leka ho u laea teng.

³⁴ Joale mame lang, re sa tsoela pele. 'Me ke batla ho fumana karolo ea ho qetela ea eona.

'Me ke ho bomang o kileng oa hlapanya hore ba ke
ke ba kena phomolong ea oona, . . .

Joale, ke hona moo re tla fihla teng, bosiung bona.

... *phomolong ea oona, haese bao ba ikhantšitseng?*

Ke moo re bonang hore ba ne ba sitoe...ke ho se lumele.

³⁵ Joale, sebe keng? Ho se lumele. Molimo o no o tlie ho bona, ka Topallo ea Mollo; oa roma moporofeta oa Oona, oa mo tlotsa, oa mo nea lipontšo ka pel'a batho. 'Me eaba Topallo ea Mollo, ka moporofeta, e a ba ntša. Maemo oohle ao ba thulaneng le oona, ba qala ba lumaluma ba bua bolela sepha ka seng sa Moshe, ba qala ba khalema ba Mo seba. 'Me ha e a kahlisa Molimo, hobane O itse, "Ba ne ba etsa sebe."

³⁶ Ba tlamehile ba be ba mametse. Empa, sebakeng sa hoo, ba mamela mabaka, "E ka ba joalo joang? Lintho tsee li ka hlaha joang?" Haeba E le Molimo, tsohle li ka etsoa. 'Me O tla etsa tsohle li sebetse molemong oa ba Mo ratang.

³⁷ Joale mona re tlii kena thutong e kholo, ke ho re, mabapi le "Phomolo," e leng *sabbatha*. Joale, e ne e le bafeti leetong la bona. Ua bona? Esale ba le tlase Egepeta, lilemo tse makholo a mane, le bokhobeng. 'Me joale ba ntšoa ka mehlolo ea Molimo, ho latela pallo ea Hae. 'Me ba kene leetong la bona le eang lefatšeng la pallo. 'Me Leseli le mohlolo ke lena lea hlaha, hara bona, le qala le ba tsamaisa.

³⁸ Joale, motho o tla re, "Joale, sheba mona, Moshe enoa ke mang? Ke mang ea u beileng ho re busa? Ana ha u e mong oa rōna? Ke mang ea u beileng molaoli oa rōna mona? U ikhopola u tseba ho feta molisa oa rōna? U ikhopola u tseba ho feta moprista? U ikhopola u—u le bohlajana ho feta banna ba rōna ba borapeli, ba letsatsi lena?" E ne e sa amane le eona ka letho.

E ne e le Molimo, kahara Topallo ea Mollo, a netefatsa boteng ba Hae kahara motsamao. Ha ho phapang na ea bohlajana ke mang le ea seng bohlajana ke mang. Mohopolo e ne e le ho latela seo Molimo o se hlommeng pela bona.

³⁹ Etsoe, Moshe, ho latela nama, o entse bothoto mohla a lekang ho lokolla bana ka Lentsoe la Molimo, ho ntšetsa sehlotšoana sa batho lefeelleng. Athé o ne a ruile sohle sa hae... Koana, athé e ne e le mojalefa oa leruo lohle la bona. Sesole sohle sa bona e le sa hae, lefatšeng lohle, a le shasharile. 'Me ke eo, e ne e le mogenerale e moholo. 'Me khato e latelang, e tla ba morena, Faro oa Egepeta. Hobaneng, a ka be a hloele terone, a re, "Ho lokile, bana, khutlelang lehaeng la lona." Ebe ke phetho; e ne e le Faro. Empa Moshe...

⁴⁰ Oh, ke ena. Moshe, ka *tumelo*, o bone pallo ea Molimo. 'Me Lengeloi la Morena le tlie ho eëna, 'me o ithutile Molimo ho feta, metsotsong e mehlano ka pel'a Sefahleho sa Lengeloi leo, ho feta seo a ithutileng sona lilemong tse mashome a mane le baruti ba Egepeta. O Mo tsebile a le teng. O bone mehlolo e etsoang.

⁴¹ O itse, “Ke tla ba le uena, Moshe. Ke tla u etella pele.” ’Me ba utloisisitse. ’Me Le mo abetse ho etsa mehlolo.

⁴² Joale, ba ne ba leetong le eang lefatšeng la phomolo. Molimo o no o ba boloketse phomolo, sebaka seo ba sa tl’o tlameha ho . . . batubi ba ba okametseng, ho ba qobokisa, le ho ba etsisa lintho.

⁴³ Papiso e khabane hakae ea kajeno, ha re sheba Kereke ’me re bona Kereke boemong ba eona, monna ofe le ofe ea tsoetsoeng ke Moea oa Molimo o nyatsa lefatše. “Ekare ha u rata lefatše leha e le lintho tsa lefatše, lerato la Molimo ha le eo ka ho uena.” Bibele e boletse. ’Me moeti oa makhonthe, tseleng ea hae, o mpa a hloile lintho tsa lefatše. O hloile ho bona banna ba noang. O hloile ho bona banna ba tsubang. O hloile ho bona basali seterateng, ba apere liaparonyana tseo tsa khale tse litšila. O hloile ho bona meketjana ea buncho le ea likarete.

⁴⁴ ’Me maobane, eare Moena Tony . . . kapa ’na le Moena Woods re feta seterateng, ’me ba bang, banna ba bang . . . Leleiti le ne le le teng mono Louisville, le theoha ka seterata, basajana ba shebehang, ba apere liaparo tse tšabehang; li holingoana mona nokeng, ’me linoka li thatetsoe ka leratsoana, ka lephakonng ka leng, ka pela hae ho leketlile leselanyana le khilikoe, le tlamiloe ka kholenyana ka morao. A theosa ka seterata, ho tšabeha, ’me monna ofe le ofe seterateng a mo shebile. Ka re, “Ha a itemohe a le molato, ka pela sefahleho sa Molimo, oa ho feba le monna mang le mang ea mo shebileng ka mokhoa oo. ’Me ka letsatsi la kahlolo o tla arabela ho feba le banna bao.”

⁴⁵ Jesu o itse, “Ea shebang mosali ho mo lakatsa, o se a mo febile.” Ke hantle.

⁴⁶ Ka hona, u a bona, Moena Woods a re ho ’na, “U re taba eo e bakoa keng, Moena Branham?”

⁴⁷ Ka re, “Haese khaello ea kelello ke taolo ea liabolosi.” E hlasisoa ke lintho tse peli feela. Mosali oa imametseng, ea hloekileng a ke ke a apara lintho tseo; haese ha a laoloa ke liabolosi. Ke ’Nete e tiileng.

⁴⁸ Joale, moeti ea tseleng e eang Leholimong, o phela atmosfereng e fapaneng. Ha u a tšoanela ho touta ka eëna ho mo talima. O tla thintša hlooho ea hae ha Molimo o fëla o ahile pelōng ea hae, hoba o phela atmosfereng e hole le lintho tseo ka milione ea limaele. Ke hantle. Ha u batle ho jara molato oa nyee eo, kahlolong. Ka hona o thintša hlooho ea hae a re, “Molimo, hauhela mosali eo,” ebe o tsoela pele. Re leetong la rōna. Re tseleng ea rōna e eang Lefatšeng la Kanana. Re tseleng ea rōna e eang Phomolong e bokoang ea Bosafeleng eo Molimo a re neileng eona. ’Me leetong, rea lekoia. Re lekoia ke lintho tsa mefuta eohle, empa koana re lekoia re sa etse sebe.

⁴⁹ Joale lemohang, re sa fetela khaolong ea 4, “Ha re tšabeng ke hona.”

*Ha re tšabeng ke hona, haele moo, pallo ea ho kena
phomolong ea oona e sa le teng, . . .*

⁵⁰ Ke le batla le hopotse, hore, pele re fumane, pele Molimo a re senoletse eona! Ho sa tsotelehe kamoo re tsamaeang kereke, ha e amane le eona ka letho. Molimo o tšoanela ho fihla ka tšenolo 'me A itšenolele rōna, hoo ho ntša lintho tsohle tsa lefatše. “Joale, ha ho sa ntse ho thoe, ‘Kajeno haeba u . . .’”

⁵¹ Joale ha re qaleng ka—ka temana ea 4.

*Ha re tšabeng ke hona, haele moo, pallo ea e kenang
phomolong ea oona e sa le teng, . . .*

⁵² Joale hopolang, eare ba sa kene tseleng ea bona e eang Phomolong, Topallo ea Mollo e ba tsamaisitse. Joale re batla ho fumana, “Ebe Phomolo ee keng?”

*Ha . . . tšabeng ke hona, haele moo, eona pallo e
kenang phomolong ea oona, sheba, esebe e mong oa
rōna a ka bonahala hoba eka o haeletsoe ke eona.*

⁵³ Joale, pallo ke ena. Re tlameha ho tšaba sena: haeba re sa sieloa pallo. Empa pallo e teng! ’Me hape, ntho e latelang, u se ke ua haelloa ke eona.

⁵⁴ Joale, mohopolo ke oona, haeba re habile Phomolo, ebe Phomolo keng? E hokae? Ana ke ho ingolisa le kereke? Ana ke ho kolobetsoa ka tsela e ikhethang? Ana ke ho fetoha setho sa kereke e kholohali motseng? Moo ho aparoang liaparo tse khabane? Ana ke thuto? Ana ke chelete, re tle re tlohele mosebetsi re ipaqamele feela, re iphomelele bophelo ba rōna bohole, kamoo re e bitsang? Hase eona.

⁵⁵ Mamelang Bibele e reng, le mokhoa oa ho e fihlela.

*Ha re tšabeng ke hona, haele moo, pallo e kenang
phomolong ea oona e sa le teng, esebe e mong oa rōna
a ka bonahala eka o haeletsoe ke eona.*

*Hobane le rōna (letsatsi la mohlang oo) re boleletsoe
eona evangeli, joaloka bona: . . .*

Evangeli ke'ng? Litaba tse molemo. Litaba tse molemo li ba fihletse tlase Egepeta, ho thoe, “Molimo o rometse molokolli, 'me O tla re ntša a re ise lefatšeng la pallo.”

⁵⁶ Litaba tse molemo ho rōna joale, ho re, “Molimo o rometse Molokolli, Moea o Halalelang, 'me re habile Lefateng la pallo.” Joale batho ba e fetotse litumeloana le malumeli, empa Molimo o sa ituletse, ho thoe, *Phomolo* ea rōna ke “Moea o Halalelang.”

⁵⁷ Lemohang.

*. . . re boleletsoe evangeli . . . joaloka le ka ho rōna:
empa bao lentsoe leo ba le utloileng ha le a ka la ba
thusa letho, eona . . .*

Le hopole:

...lentsoe leo ba le utloileng ha le a ka la ba thusa letho, ka baka la hobane ha le a ka la fihlelana le tumelo pelōng tsa ba le utloileng.

⁵⁸ Oh, banabeso, e reng ke khefutse motsotso mona. Ho sa tsotelehe na Lentsoe le reroa hakae, u rata thero ea Lona hakae; pele uena u fetoha monka-kabelo ea Hoo, Le ke ke la u thusa ka letho.

...ha le a ka la fihlelana le tumelo pelōng ka ba le utloileng.

⁵⁹ Ba bone mehlolo ea Moshe. Ba itse, “Ho hotle haholo.” ’Me eaba ba tšeleta koana. Bao, ba ’mone a etsa mehlolo. ’Me ba bone Topallo ea Mollo, mohlomong, kapa ba ba utloile ba bua ka Eona. “Oh, hoo ho itoketse.”

⁶⁰ Empa e ne e sa tsoakana le tumelo ea bona. Hoba hang ha ba fihla lefeelleng, ba (e mong le e mong) qala ba korotla. ’Me Molimo oa re, “Erekaha ba belaetse, e ne e le sebe.” U se ke ua belaela letho. Lumela. U se belaete, ho sa tsotelehe bothata ba taba, lumela ho Eona.

⁶¹ Joale ba qala ba korotla, eaba Molimo o a ba phethola. ’Me eaba O a hlapanya, khalefong ea Oona, ho re, “Ha ba sa tla kena Phomolong ea Oona.” ’Me mona Bibebe e boletse, ke lumela E le ho—ho khaolo ea 3, ho re, “Litopo tsa bona li rapaletse lefeelleng.”

⁶² Khaolo ea 3 le temana ea 17.

Ana bao ba mo halefisitseng ka tsona lilemo tse mashome a mane ke bafe? na hase ba sitiloeng, bao litopo tsa bona li oetseng lefeelleng?

⁶³ ’Me hara bohole ba tsoileng Egepete, ke babeli feela ba tsetseng ba kena lefatšeng la pallo. Hara lefatše lohle la moroallo, matsatsing a fetileng, ho bolokehile meeaa e robeli feela, hara libilione. “Monyako o patisane le tsela e tšesane, ’me e tla fumanoa ke ba seng bakae.”

⁶⁴ Batho ba re, “Hape, Moena Branham, mabapi le likete tsena tsohle tseo Bibebe e li tlalehileng li tla hlaha mono?”

Ako hopole ba shoeleng molokong o mong le o mong, e ne e le Bakreste, ho theoha le mongoaha. Bao bohole ba tla tsoha. Hoo ho bopa ’Mele. U lebeletse libilione tse lekholo ho Amerika ena, ho tsoa, kapa ho hong, lefatšeng lena la kajeno. Ho ka tsoha ho sa tsoe mashome a mahlano. Empa Kereke e kholo e lopolotsoeng e robetse leroleng, e lebeletse. Ke mahakoe a Molimo a phomotseng leroleng. Empa meeaa ea bona e tlasa aletare ea Molimo. Ha ba boemong ba bona bo nèpahetseng. Ba kahara ’mele, ke ’nete, empa ke theofani. ’Me ba hooeletsa ho Molimo, “Ho tla ea hakae?” Ba khona ho bonana, empa ha ba khone ho tsukutlana ka matsoho, ka ’mele oa mofuta oo.

⁶⁵ Ha u kopana le 'mè oa hao Khanyeng bosiung bona, ha u ka tsamaea, u ke ke ua khona ho tsukutla letsoho la hae kaha a hloka letsoho la mofuta oo. Ha u ka ke ua khona ho phopholetsa joaleka ha re phopholetsa hona joale. Hobane, lithokutlo tse hlano ke tsona tse kentsoeng 'meleng oona, ho laola. Boteng ba hae bo ka utluoa ka atmosfere e fapaneng.

⁶⁶ Joaleka monna le mosali. Ha ho lenyalo, kapa ho nyalisa, Leholimong. Hobaneng? Kaha e le lerato la mofuta o osele. Takatso ea bong ha e eo. Lintho tseo tsohle li fetile. U hloekisitsoe 'me u hloka sekoli.

Empa ha u eso phele boemong boo, ha u a bopeloa boemo boo. Mono u mpa u letile. Empa u labalabela ho khutlela moo u bopetsoeng ho ba monna le mosali, 'me teng Molimo o tla tsosa 'mele oo leroleng la lefatše a o tlotlise. Ke moo u tlang ho bona, latsoa, ama, fofonela le ho utloa, le ho sebetsa 'moho. Re ke ke ra tseba . . .

Re ke ke ra thabela bophelo ba Lengeloi. Ha rea boptjoa re le Mangeloi. Molimo o bopile Mangeloi. Empa O bopile uena le 'na, banna le basali. Ke boemo boo re tla ema ka bona, kamehla, ho Khutleng ha Hae ho bokoang.

⁶⁷ Joale, na ebe le bona moo re haelloang, kaha ba sitiloe 'me ba sa lokeloe ke khanya. Molimo o ba bontšitse Topallo ea Mollo. O ba bontšitse mehlolo le meeka. O ba ntšitse. O ile oa ba kenya tekong, ho ba leka le ho ba laea.

⁶⁸ Joale, na ha u a lekoa hangata? Li se ke tsa u belaetsa. Nyakalla. Molimo o na le uena. O ntse a leka ho hlahluba tumelo ea hao. Sheba Jobo kahara Testamente ea Khale, mohla A reng, "Na u eleletsoe mohlanka oa Ka Jobo, monna ea lokileng, monna ea phethehileng? Ha ho ea ka bapisoang le eëna lefatseng."

⁶⁹ "Oh," a re, "ehlide, U mo haelelitse: ha a na mathata, ha a na metouto e mengata. Ha a na meroalo ea lichelete, tsohle li lokile. Ha a kule, ha a opeloe. Mphe eëna koano. Ke tla U roakisa ka eëna, ka pela sefahleho sa Hao."

⁷⁰ A re, "O letsohong la hao, empa u se ke ua nka bophelo ba hae."

⁷¹ Oh! A etsa tsohle haese ho nka bophelo ba hae, empa ha a ka a sisinya Jobo. Jobo o itsebile a emetse Lentsoe tsoe. Ke hantle. 'Me batemona bohle ba tsoang liheleng ha ba ka ba mo sisinya, kaha a itsebile a hlahisitse sehlabelo seo. O ne a lokile. 'Me ba mo nyatsitse, ha thoë, "U sitiloe, Jobo, 'me Molimo o ntse a u otla." O tsebile Molimo o sa . . . hore ha a siteloa Molimo. O itsebile a lokile. E seng kahobane e ne e le monna ea lokileng, empa hoba A ne a amohela sehlabelo sa secheso sebakeng sa hae.

⁷² 'Me, bosiung bona, rea tseba bophelo ba hae bo mo pakile a lokile. 'Me ha uena . . . Ha se ho leka ho fihla Khanyeng kaha u

ntse u leka ho thusa moahisane oa hao; ho hotle. Ha se hoba u ingolisa kerekeng; ho hotle. Empa u fihla hae Khanyeng kaha u amohetse ho loka ha Jesu Kreste, hase letho le entsoeng ke uena.

⁷³ Joale, re bala re tsoelapele.

Hobane le rōna re boleletsoe evangeli, . . . (temana 2) . . . joaloka bona: empa bao lentsoe leo ba le utloileng ha le a ka la ba thusa ka letho, ka baka la hobane ha le a ka la fihlelana le tumelo pelōng tsa ba le utloileng.

Tumelo ha e a fihlelana le ba utloileng Lentsoe.

⁷⁴ Nahanang feela, kajeno, kahara nthoana, ea tšebetso e ithobileng eo Morena a mphileng eona, eka khona ho bolokehe maAmerika a limilione tse mashome a mane, bosiung bona. Lea tseba ba reng? "Hobaneng, ke bokhoni ba ho bala kelello. Ke 'mali oa kelello. Ntho e kang eo ha e eo! Hobaneng, hase setho sa kereke ea rōna." Ua bona? Ha se . . . ho sa tsottelehe na u tiisetra Lentsoe u le paka e le Lentsoe la Molimo hakae, e le pallo ea Molimo, le bokae ba saense e ka Le kholisang le nēpahetse, ba sa ntse ba sa lumele. Bibebe e ba tlalehile ba sa tl'o khona.

⁷⁵ Ha thoe, "Ebe bohllokao ba ho Le rera ke bofe?" Molimo o tlameha ho ba le paki, ho ba qosa, ka Letsatsi leo. Ba boleletsoe Lentsoe la ba la kholisoa hara bona, ba sa ntse ba tloha ba nyemotsa. Ha ho letho le setseng haese kahlolo. Molimo o ke ke oa khona ka ho loka—o ke ke oa khona ho ahlola sechaba ka ho loka pele se fuoa mohau pejana ho kahlolo. Ke Molimo. A ke ke a etsa hoo.

⁷⁶ Joale ebe re reng?

Empa haele rōna . . . lumetseng hape re se re kene homolong, kamoo o itseng kateng, Ka baka leo ke hlapantse khalefong ea ka, ka re ba ke ke ba kena homolong ea ka: athe mesebetsi esale o phetheha popong ea lintho tsohle.

Hobane ha o bolela ka—ka letsatsi la bosupa o itse lengolong le leng, . . .

⁷⁷ Joale, ha ke batle ho thonkha maikutlo a batho, khahlano le borapeli ba bona. Hase morero oa ka. Kastle masimong, ke rera ka tloaelo feela, lithuto tse kholo, tsa motheo tsa boevangeli. Empa kahara tabernakele, hara bana ba ka mona, ke ikutloa ke na le tokelo ho rera seo ke se hopolang e le Thuto le 'Nete. Ua bona? Ke kholoa e le 'nete.

⁷⁸ Joale, ke na le metsoalle e likete ea Massabatha, batho ba Seventh-Day Adventists. E meng ea metsoalle ea ka e meholo, e meng ke maSeventh-Day Adventists.

Leha koana, motsamao o moholo, o bitsoang, e—e *The Voice of Prophecy*, ba le khahlano le 'na ba tiile. Ba ntlaeleha ke buile sefaleng, le ho re, "Ke Molimo. 'Me hoo ho . . . le ho re Leseli lena

le latetseng ke Lengeloi, 'me 'na ke Molimo. 'Me ke tlie lefatšeng ho etsa lintho tse kholo, ho kholisa batho ke le Molimo." Joale, *Voice of Prophecy* e buile joalo ka 'na, koana California. 'Me motho ea buileng hoo, lea tseba, o buile ntho e sa lokang.

⁷⁹ Empa tabeng ea pele, hase ho ema khahlano le kereke ea Seventh-Day Adventist kapa kereke efe ea Masabbatha, empa molemong oa Evangel. Re tlil'o theoha, metsotsong e 'maloa, re kena ho Pentekosta, hape. Yaa. Ruri. Holima Baptist, re tlil'o theohela mono re bontše hobane Molimo ha o rekolohele bolumeli bofe. Ke hantle. O mpa o rekolohele motho ka bomong. 'Me ha A sebelisana le bolumeli bofe, ha A eso etse hoo 'me ha A sa tla etsa hoo, ho latela Lentsoe la Hae. Empa O sebelisana le batho ka bomong kahara bolumeli bofe le bofe. E, Molimo o sebetsana le motho ka bomong.

⁸⁰ Joale le mamele taba ena ka ho hlaka, 'me haeba le ka mohla, ka nako efe, potso e u hlahela, e tla batalatsoa. Joale, Morena a re thuse.

⁸¹ Joale, ka kelohloko, "Hobane . . ." Temana ea 4.

*Hobane ha o bolela letsatsi la bosupa o itse lengolong
le leng, . . .*

⁸² Joale shebang. O bua ka sabbatha. Ba bakae ba tsebang hore lentsoe *s-a-b-b-a-t-h* ka Sehe- . . . ke lentsoe la Seheberu le bolelang "p-h-o-m-o-l-o"? Ba bakae ba tsebang hoo, ka Senyesemane? Ehlide. Ana lentsoe *sabbath* ha le utloahale le makatsa? Ke lona.

⁸³ Ana lentsoe *sanctify* ha le utloahale le makatsa. *Sanctify* ke lentsoe la Segerike le bolelang "ho halaletsa." Seheberu, le bolela "ho halaletsa." Segerike, le bolela "sanctify." Senyesemane, le bolela "ho hloekisa."

⁸⁴ *Sabbath* e bolela "letsatsi la phomolo." E ne e le letsatsi la khale la sabbatha, letsatsi la phomolo. Ha u bona *phomolo*, e bolela "sabbatha." Shebang lingoloa tsa lona tsa ho qala, ha u tšoere Bibele ea Segerike, 'me u fumane haeba lentsoe . . . Haeba u tšoere Bibele ea Scofield, sheba molathoko oa hao mabapi le "phomolo" 'me u sheba haeba e sa u khutlisetse ho *sabbath*. *Sabbath* e bolela "phomolo." Ho lokile.

⁸⁵ Joale sheba.

*A re tšabeng ke hona, haele moo, pallo ea rōna ea ho
kena sabbatha, phomolong ya oona e sa le teng, . . .*

⁸⁶ Joale, batho ba bangata ba boloka matsatsi, ba rata ho boloka letsatsi la sabbatha e leng *Moqebelo*. Ba bang ba fetola *Sontaha* molingoana, letsatsi la ho rapela. 'Me ka mohau oa Molimo, le ka Lentsoe la Molimo, Molimo o nthuse bosiung bona, nka le pakela ba fositse bobeli ba bona. Barapeli ba *Sontaha* le baboloki ba sabbatha 'moho. Ehlide bobeli boo bo fositse bo tiile ho latela Lentsoe. 'Me ebile, re tlameha ho

tsamaea ka Lentsoe, ha se ka se boleloang ke maAdventists, kapa ha se ka se boleloang ke Protestanta, kapa se boleloang ke Katolike. Ke seo Bibele e se buang.

⁸⁷ Joale, joale shebang.

Hobane ha o bolela ka letsatsi la bosupa o itse lengolong le leng, . . .

Joale re tlil'o bea ntho e kang *ena*, re e bitse sena—sena, “Phomolo ea Molimo,” letsatsi la bosupa.

⁸⁸ Joale shebang. “Athe Molimo . . .” Mamelang Lengolo lena joale.

. . . Molimo o phomotse mosebetsing eohle ea oona ka letsatsi la bosupa.

Molimo o no o hlome Sabbatha, ’me letsatsi leo la bosupa le ne le le bolelele ba lilemo tse sekete, papiso ea Mileniamo.

Hobane o itse . . . ha o bolela letsatsi la bosupa, Molimo o phomotse . . . mosebetsing ea oona—oona eohle.

Leemeli la motho, “Mesebetsing ea Oona eohle.” O ile a phomola ka letsatsi la bosupa. Ke Molimo oo.

Hape hona mona o re, tlasa molao, Ba ke ke ba kena phomolong ea ka.

⁸⁹ Molimo o ile a phomola, nameng, kaha O no o bopile maholimo le lefatše ka matsatsi a tšeletseng, eaba O phomola mosebetsing oa Hae oohle ka letsatsi la bosupa. Oa phomola sekete se le seng sa lilemo. Hobane Bibele e boletse, ho re, “Letsatsi le le leng lefatseng le lekana le lilemo tse sekete Leholimong; sekete sa lilemo Leholimong; ke letsatsi le le leng lefatseng.” Ba bakae ba tsebang Lengolo le rialo ho Petrose oa Bobeli? [Phutheho e re, “Amen.”—Mong.] Ho lokile. “Molimo o phomotse ka letsatsi la bosupa. ’Me O itse lengolong le leng.”

⁹⁰ Joale mameisang.

Hobane ha o bolela letsatsi la bosupa o itse lengolong le leng, Molimo o phomola . . . mesebetsi eohle ea oona.

Hape hona mona, e leng molao, Ba ke ke ba kena phomolong ea ka.

O neile Bajuda, leetong la bona la lefatše la pallo . . . kapa ho tloha Egepeta, ho ea lefatšeng la pallo, sabbatha ea letsatsi la bosupa.

⁹¹ Joale mameisang.

Joale haele moo ba bang ba tla kena ho eona, athe bao ba boleletsoeng evangeli pele . . .

Phomolo! Molimo o ba neile molao, ’me sabbatha e ne e le molao oa bone.

. . . ha ba ka ba kena ke ho se lumele: . . .

⁹² Joale shebang. O bua ka molao, kamoo ba keneng kateng, athe o ne o sa tsoakana le tumelo. Ba sitiloe ho o boloka. Ba bolokile sabbatha e le sehopotso, e reng ba tla ea lefatšeng la sabbatha, ho phomola kamehla mathateng a bona oohle le metoutong ea bona eohle, batubi ba le sieo, masiu a hlobaetsang a felile. Ba ne ba kene leetong la bona la lefatše la pallo la phomolo. Le ne le kolla lesebe le linotši. Merara e le meholo hoo e hlokang banna ba babeli ho jara lesihla le le leng ka mahetla. Oh, lefatše le le kakang la phomolo e bokoang! Empa mohla ba fihlileng mono ba sitiloe ho e fumana, ka baka la ho se lumele. Ba kile ba khelosetsoa kathoko, ke limaele tse mashome a mane ho tsoa Egepeta, ho ea lefatšeng la pallo. 'Me keha ba le bohole ba lilemo tse mashome a mane pele ba fihla mono, ka baka la ho se lumele ha bona. Molimo o no o ba neile moporofeta oa bona, oa mo nea pontšo ea Oona, oa mo nea Topallo ea Mollo, ho hlahisa lipontšo le meeka, le ho ba bolella Evangel. 'Me ba tsoile, ba lakatsa lihlapi le mahobe, eaba ba oela lefeelleng. "Athe litopo tsa bona li rapaletse li timetse lefeelleng."

⁹³ Jesu, selibeng, O itsalo.

Ho itsoe, "Bontata rōna ba jele manna feelleng, ka lilemo tse mashome a mane."

⁹⁴ A re, "KE 'NA Bohobe boo ba Bophelo bo tsoang ho Molimo Leholidong. KE 'NA Bohobe ba Bophelo. Hase Moshe ea le neileng Bohobe boo. Ke Ntate oa Ka ea le neileng Bohobe boo. KE 'NA Bohobe bo tsoang ho Molimo Leholidong. Ekare ha motho a ejia Bona, a ke ke a shoa le ka mohla." Phapang ke eo.

⁹⁵ Joale shebang. Ba itse O... "Ba noele Lefikeng le feelleng, ka lilemo tse *kana-kanana*."

⁹⁶ O itse, "KE 'NA Lefika leo." Ho bokoe Lebitso la Hae le halalelang! "KE 'NA Lefika leo."

Ebe E ka ba Lefika leo joang? Lefika leo e ne e le Lefika la moea. Le ile la sala bana ba Israele morao. 'Me Moshe a tsoere molamu letsohong la hae, e ne e le lere la Molimo la kahlolo. 'Me Molimo oa mo laela ho otla Lefika, eaba o otla Lefika. 'Me hoba a etse, metsi a tsoa Lefikeng. 'Me Kreste e ne e le Lefika leo, 'me kotlo ea kahlolo ea Molimo ea sebe e Mo oetse holimo. "Molimo o Mo jarisitse makhopo a rōna oohle," 'me bokhopo boo bo bile ba phatlola pelō ea Hae. 'Me pelōng ea Hae ho tšolohile Moea o Halalelang, joaloka linoka metsi, ho batho ba timelang, ba shoang.

"KE 'NA Lefika leo le neng le le feelleng."

"Hobaneng," a rialo, "Le hlile le re..."

⁹⁷ A re, "Moshe, eēna ea le boleletseng hoo, o ne a lakatse ho bona letsatsi la Ka. 'Me o le bone ka 'moho."

⁹⁸ A re, “Joale, U re ho rōna U moholo ho Moshe? Hore U bone Moshe? Athe Moshe o shoele khale lilemo tse makholo a robeli.” Ha thoe, “Joale rea tseba hobane U na le motemona,” ka mantsoe a mang, “ho hlanya. Rea tseba hobane U a hlanya.”

⁹⁹ A re, “Pele ho Abrahama, KE TENG. Ke ne ke le KE TENG E MOHOLO ea neng a le sehlahleng se tukang. Ke ’Na Mollo o nong o tsoasitsoe sehlahleng se tukang. Ke ’Na Lengeoi le neng le rongoe ho ba etella pele.” ’Me O itse, “Ke tsoa ho Molimo, ’me ke khutlela ho Molimo.” ’Me O tsoile ho Molimo, a etsoa nama le ho aha hara rōna; a boela ho Topallo eona eo ea Mollo.

‘Me ke Enoa, bosiung bona, ka mora lilemo tse likete tse peli, “eēna maobane, kajeno, le kamehla,” o etsa hona hoo, ho tsamaisa bana ba Hae ba bokoang.

¹⁰⁰ ‘Me bangata ba a tla...ho kena ka ho se lumele. Joale, o boletse, “O balile letsatsi,” letsatsi la mohla Molimo o no o phethela mosebetsi oa Hae. Hape, “O balile ‘letsatsi le leng,’ ka mokhoa o itseng, hore ha ba ka utloa, ha ba ka tla, bao ba bolokang lisabbatha, ba fetang hara likhoeli tse ncha le lintho tse joalo.” Ke hona moo baena ba Advent ba lekang ho le khutlisa teng.

¹⁰¹ Joale ha re baleng re tsoelepele. Lemohang.

Joale haele...ba bang ba tla kena ho eona, athe bona ba bolelsoeng pele evangeli ha ba ka ba kena ke ho se lumele.

¹⁰² Joale, temana ea 7. Oh, khili! Ke re, Lengolo le hlile le bululetsoe ho latela lipalo. Ke re, Lengolo le joalo, le ka mokhoa ofe feela, le bululetsoe. Lipalo tsa Bibele li phethahetse.

¹⁰³ Ana le lemohile United States ena ke leshome le metso e meraro ho sohle seo e se etsang? Na lea e tseba e theiloe ka likoloni tse leshome le metso e meraro? Na lea tseba folaga e ne e ena le linaleli tse leshome le metso e meraro pele? Na lea tseba sohle seo United States e se etsang ke leshome le metso e meraro? Na le tsebile e hlaha kahara Bibele ho Tšenolo 13? Ehlide bo. Sebata se se nyenyane, konyana e tsoang metsing, e seng matšoelie le bongata ba batho,... e ne e sa tsoe metsing, empa lefatšeng moo ho seng mang. E ena le nakana tse peli: matla a bochaba le a borapeli. ’Me e ne e le konyana: tokoloho ea borapeli. ’Me ka mora nakoana, ba tloha ’me ea bua joaloka drakone, ’me ba etsa ka matla oohle a Roma e tlileng pele ho eona. Taba eo e tla thele sechaba sa rōna. Le e tšoaee. Le shebe Setlamo sa Likereke le Katolike ha li kopana, le shebe se hlahang.

¹⁰⁴ Batho ba setseng Topallo ea Mollo morao ba tla hle ba hlaheloe ke nako e bohloko, empa mohlang oo ba itokiselimphethoho, ke hantle, ho itokisetsa ho tsamaea feela. “Hoba Konyana e tla ba hlola,” Bibele e boletse, “’me ba Mo

latetseng, ba bitsitsoe ba khethiloeng le batšepehi, Bakhethoa ba Molimo.” Ha ke batle ho kena boporofeteng joale, re tle re mathe holima sena.

¹⁰⁵ Mamelang ka hloko, khaolo ea 7, eona . . . Ke bolela khaolo ea 4, temana ea 7. Supa ke palo ea phetheho. Tharo ke palo ea Bophelo. Supa ke palo ea phetheho, ’me hona ho hlahisa sabbatha e phethehileng.

“Me hape,” hopolang, o buile, “Molimo,” ka mokhoa o itseng. Mohlang oo o buile ka “molao,” ka mokhoa o itseng. ‘Me hape, mona, “O balile letsatsi,” letsatsi la boraro, khetlo la boraro.

Hape, o boetse o beile letsatsi, letsatsi le leng, e leng la Kajeno, ha o bolela ka molomo oa Davida, kamora litšiu tse ngata; . . . Kajeno, kamora litšiu tse ngata; ha o re, Kajeno ha u utloa lentsoe la oona, le se ke la thata fatsa pelō tsa lona.

Shebang, hobane holane Jesu o ba kentse phomolong (sabbatha), . . . o ka be o sa ka oa bolela le leng letsatsi hamorao.

Makhathe a fetoloa ke Jesu Kreste: ho tsoa ho molao ho ea ho mohau, ho tsoa ho mesebetsi ho ea ho mohau, ho tsoa ho seo u se etsang ho ea ho se etsaang ke Molimo, holima liketso tsa hao kapa holima liketso tsa Hae. E ile ea fetoha.

¹⁰⁶ Mohla Moshe a ne a tsoa feelleng, ka molao, o itse, “U se ke ua feba. U se ke ua utsoa. U se ke ua bolaea. Boloka letsatsi la sabbatha e le le halalelang.” Eitseha Jesu oa tsoa feelleng. . . Mohla Moshe a ne a fihla, liabolosi o ile a mo leka. Hang hoba liabolosi a mo leke, a mo mamela. Moshe o ne a ena le bofokoli. Ba tsebang e ne e le bofe ba bakae? Mabifi. Hang hoba a bone ba khumamela namane ea gauta, a lahla melao a e pshatla, taba e le supisang hobane boprista bo ne bo tla robjoa. Eaba Molimo o boela a mo nea e meng hape.

¹⁰⁷ Empa mohla Jesu a ttileng a tsoa feelleng, matsatsi a mashome a mane a ho itima lijo, O ile a lapa, bofokoli ba Hae bo le bong. ‘Me liabolosi a Mo atamela a re, “Ha U le Mora Molimo, fetola majoe ana bohobe. Etsa mohlolo mona. A nke ke ke U bone u etsa hoo, ’me ke tla lumela ho Uena.”

¹⁰⁸ Jesu a re, “Ho ngoliloe ho thoe, ‘Motho a ke ke a phela ke bohobe feela, empa ka Lentsoe le leng le le leng le tsoang molomong oa Molimo.’” Mono o itsebile a sa kopana le Moshe, hobane O ile a ea Lentsoeng.

¹⁰⁹ Ho Mo isa hlōrōng, tempele, ha thoe, “Ha U le Mora Molimo, Itihele fatše.” Eaba o a aletsa, e sang ho qotsa, empa ho aletsa Lentsoe. Ha thoe, “Ho ngoliloe ho thoe, ‘O tla laela Mangeloi a Hae, malebana le hoo, esere Ua klothometsoa leoto la Hao la khopjoa ke lejoe. O tla U jara.’”

¹¹⁰ 'Me eaba Jesu o ea Lentsoeng ka kotloloho, a mo khalema.

¹¹¹ Ho Mo nkela holima thaba oa Mo supisa United States le Jeremeane le Switserland, le lichaba tsohle tsa lefatše, e leng tse tläng ho hlaha, ha thoe, "Ke tsa ka. Ke li sebelisa ka ho rata ha ka." Ha re makale re fumana lintoa le mathata. Ha thoe, "Ke etsa ka tsona . . ." Ha re makale basali ba apara . . .'me ba e phema, ho latela molao. Tsohle li busoa ke liabolosi. Bibele e boletse joalo. Satane o itse, "Ke tsa ka. Ke li sebelisa ka ho rata." Ha thoe, "Ha U ka nkhumamela, ke tla U etsa morena ea joaloka 'na."

¹¹² Jesu a re, "Ho ngoliloe ho thoe, 'U tla rapela Morena Molimo oa hao, u sebeletse eëna feela.' Tloha ho 'Na, Satane."

Hobaneng? Jesu tsebile E tla ba mofalefa oa tsona mehleng ea Mileniamo o moholo oona, mohla 'Muso oa Hae o tläng. "Thato ea Hao e etsoe lefatšeng joaloka ha e etsoa Lehelimong." Ha ho sa tla tenoa lishoto. Ha ho sa tla nooa. Takatso ha e sa tla tsoha. Bofebe ha bo sa tla ba teng. Lefu ha le sa tla ba teng. Hlomoho ha e sa tla ba teng. Ke mojalefa oa sechaba ka seng. Ke tsa Hae. Ke hantle. Ke tsa Hae, 'me E tla ba mojalefa. Empa li tlasa bohlanka ba Satane ka nakoana e seng kae, ke ho re, letsatsing leo re phelang ho lona.

¹¹³ "Empa O beile letsatsi le itseng, ha ho thoe, 'Kajeno, kamorao ho litšiu tse kalo.' 'Me ho itsoe, 'Le se ke la thatafatsa pelō ea lona.'"

*Hobane holane Jesu a ba kentse phomolong, . . . o ka
be o sa ka oa bua le leng letsatsi kamorao.*

¹¹⁴ Moena oa ka oa Adventist, sheba Hoo. Pauluse mona, o buile. 'Me Pauluse o itse, ho Bagalata 1:8, haeba u ntse u ngola mangolo, Bagalata 1:8, "Ekare ha Lengeloi le tsoang Lehelimong le tla le bolela evangeli esehe ho Ena eo ke seng ke e boletse, le rohakoe." Pauluse o itse, "Holane Jesu a ba neile letsatsi la Phomolo . . ."

¹¹⁵ Shebang, mohla A ne a theoha thabeng. O theohile mohlang oo. O ne a hlotse liabolosi. O ne a tlotsitsoe, le ho itokisetsa tšebetso ea Hae. O itse, "Le ba utloile ba re, bao ba boholoholo, 'U se ke ua bolaea,' empa Ke re ho lona ea halefelang ngoanabo, ntle ho lebaka, o se a bolaile. Le ba utloile ba re, bao ba boholoholo," letsatsing lena, baboloki ba sabbatha. "Le ba utloile ba re, morao mehleng e fetileng, tlasa molao, 'U se ke ua feba; o no o tlamehile ho etsa ketso, ho fumanoa u le molato.' Empa Ke re ho lona, ea shebang mosali ho mo lakatsa o se a mo febile pelōng ea hae." Phapang! O fetile hantle pela molao oo oa bone. Empa na ebe O ba neile Phomolo?

¹¹⁶ A re boneng seo a se buileng, "Davida o boletse, 'Kamorao ho litšiu tse kalo, Phomolo e phethahetseng e tla fihla.' 'Molimo o phomotse mesebetsing ea Oona, ka letsatsi la bosupa.' Molimo oa hlohonolofatsa letsatsi la sabbatha, oa le

nea Bajuda feelleng, ka tsela ena. Ba ile ba kena...kahare ka baka la ho se lumele, hobane Lentsoe ha lea fihlelana le tumelo. Hape mona, O beile letsatsi le itseng, ha O bolela ka Davida, ‘Kamorao ho litšiu tse kalo.’”

Makholo a lilemo hamorao hoba Davida a shoe, ho tla hlaha Mora Davida, e leng Jesu, “Ekare ha ba utloa Lentsoe la Ka, le se ke la thatafatsa pelō tsa lona.” Molimo o til’o bua le pelō.

¹¹⁷ Joale shebang, temana ea bo 9 joale, ho lona ba ntseng ba bala. “Holanee Jesu a ba neile phomolo,” temana ea bo 8, “O ka be o...oa be o buile ka le leng letsatsi.”

¹¹⁸ Holanee sabbatha e tla ba teng, holanee ho boloka letsatsi la Sontaha e le tlameho, A ka be a boletse. Holanee A itse, “Joale sabbatha ha e sa le eo, ha ho sa tla bolokoa letsatsi la bosupa, Ke le batla le bolokile Sontaha,” A ka be a e boletse. Pauluse o Mo tlalehile a entse hoo. A ka be a boletse, “Le se le tla khumama ka Sontaha. E tla ba eona phomolo.” Be, holanee A ba batlile ho boloka sabbatha, A ka be a boletse, “Le ’ne le boloke letsatsi la bosupa. Empa joale Ke le batla le bolokile Sontaha, letsatsi la borobeli.” Che. Ha A rialo le ka mohla.

¹¹⁹ O boletse, “Holanee Jesu a ba neile letsatsi, ana A ka be a sa bolela?”

¹²⁰ Joale temana ea bo 9. Itokiseng.

Ha ho le joalo phomolo e teng e saletseng sechaba sa Molimo, ho boloka sabbatha ho sechaba sa Molimo.

Hobane ea keneng phomolong ea oona (ea Kreste), le eèna o phomotse mesebetsing ea hae, joaloka Molimo ha o phomotse mesebetsing ea oona, ka sabbatha.

¹²¹ Lea e bona? Joale ha re nkeng Lengolo le itseng ho tšehtsa sena. Ke hantle. Mohla Molimo o no o hlola lefatse ka matsatsi a tšeletseng, O ile oa phomola ka letsatsi la bosupa, ho se hlore a sebetsa hape. Ho bokoe Lebitso la Morena. O bopile lefatše, oa hloma popo holima lona, eaba o tloha ho ea phomola; ha a boela a khutlile, ho bopa lefatse le leng. O ile a phetha mesebetsi, le ho tloha ho ea phomola. Joale, ka...Hape, kamora lilemo tse sekete, eaba sebe se a kena; eaba Kreste o a hlahisoa, Konyana e kile ea hlahisoa. Joale, Bajuda ba neiloe sena e le papiso ea Phomolo ea letsatsi la bosupa.

Joale, o balile le leng letsatsi, ha o bolela ka molomo oa Davida, ...kamora litsiu tse ngata, teng phomolo e 'ngoe e sa tla fihla.

¹²² Joale ebe Phomolo eo ke'ng? Phetlang le 'na ho Mattheu, khaolo ea 11, le karolo ea ho qetela ea khaolo ea 11 ea Mohalaleli Mattheu. Ke mohla Jesu a ne a phethela thuto ea Hae ea thabeng, ebile le tla bona seo A se boletseng.

¹²³ O itse, “Ea shebang mosali, ho mo lakatsa, o se a mo feibile pelōng ea hae. Ea halefelang ngoanabo, ntle ho lebaka, o se a bolaile moena.” Lintho tsena tsohle, ’me ha A ka a ama molao oo oa bone, sabbatha eo.

¹²⁴ Joale O a qetela. ’Me Sabbathah ke Pallo e kholo ea Molimo. Ke Phomolo. Joale, joale shebang mona, hoba A qete ho phethela thuto ea mahlohonolo. Mona O a bua, temaneng ea 27 ea khaolo ea 11 ea Mohalaleli Mattheu. Ath, mono O ne a ruta mahlohonolo khaolong ea 5.

*Ntho tsohle li beiloe letsohong la ka, ho 'na ke Ntate:
'me ha ho ea tsebang Mora, haese Ntate; . . .*

Ua bona, u ke ke ua tseba letho kantle ho tseba le leng, hobane E ne e le Ntate ea bonahetseng nameng.

. . . hape ha ho ea tsebang Ntate, haese Mora, . . .

¹²⁵ Ekare batho ba ka E bona ba sa phehe khang. Ruri. Molimo hase Batho ba bararo. Haeba E le Melimo e meraro, ekabe eba re bahetene. Eo e leng Molimo ke mang? Bao, ba bararo bao, ke Molimo o le mong, ke liofisi tse tharo tsa Molimo o le mong. E ne e le Ntate, ka sebopoho sa Moea o Halalelang, ka Topallo eo ea Mollo feelleng. E ne e le Mora, mohla A ne a sebelisa ofisi ea boMora. “Ho se ho se hokae ’me lefatše ha le sa tla mpona; Ke tla tsamaea. Ke tla khutla ho ba le lona, le ka ho lona, ho isa bofelong ba lefatše.” Ua bona? Ke boNtate, ke boMora, le Moea o Halalelang, hape. Ke Molimo o le mong o sebetsang ka liofisi tse tharo tse fapaneng: ea Ntate, ea Mora, Moea o Halalelang. Le ka mohla . . .

Johanne oa Pele 5:7 e boletse, “Ho le tse tharo tse pakang Leholimong: Ntate, Mora, Moea o Halalelang. Tse tharo tsena ke ntho e le ’Ngoe.”

¹²⁶ Thomase o itse ho Eèna, “Morena, re bontše Ntate. Ho tla be ho mo lekane.”

¹²⁷ A re, “Ke bile le uena nako e kalo, athe ha u a ka ua Ntseba?” Ha thoe, “Ha u bona ’Na, u bone Ntate. U ka rialo joang, ‘Re bontše Ntate’?”

¹²⁸ Joale, ba Oneness ba e nkile, sehlopha sa batho ba oneness, ’me ba leka ho fetola Ntate, Mora, le Moea o Halalelang, ofisi e le ’ngoe feela le tulo e le ’ngoe, joaloka monoana oa hao, o le mong. Hoo ho fosahetse. Molimo o no o ke ke . . . Jesu e ke ke ea eba ntatae ka Sebele sa Hae. Holane A le joalo, ekabe eba Ke . . . Be, ebe E ka ba ntatae ka Sebele sa Hae joang?

¹²⁹ ’Me efèla ha Molimo e le motho, ea kathoko ho Moea o Halalelang, O ne a ena le bontate ba babeli. Hobane Bibele e boletse, ea re, “Moea o Halalelang o ile oa khurumetsa Maria ’eaba o a emola, ’me,” Bibele e boletse, ho Mattheu 1:18, ho itsoe, “ho emotsoeng ka ho eèna ke hoa Moea o Halalelang.”

Ebe ntate oa Hae ke mang, Moea o Halalelang kapa Molimo? Bobeli boo, ke Moea o le mong, ho seng joalo tsoalo ea Hae ke ea bonyatsi ea meea e 'meli.

Ke tšomo ea Katolike eo, 'me ha eso be thuto ea Bibele. Martin Luther o e ntšitse, le Bokatolike bo bong bo bongata bo dahara kereke ea Luther. Wesley a latela ka eona. 'Me e sa tsoelapele, empa ke phoso. Hase 'Nete. Ha eso be eona, ha eso be Thuto ea Bibele. Ha eso be molao dahara Bibele, ho ruta Melimo e meraro.

Ho na le Molimo o mong. Jesu o itse, "Utloang lona, oho Iseaele, Ke 'na Morena Molimo oa lona, Molimo o le mong," e seng Melimo e meraro.

¹³⁰ Koana Afrika, ba kolobeletsa hang ho Ntate, hang ho Mora, le hang ho Moea o Halalelang. Ebe moo Mojuda a fihlang, a re, "Hara bao Molimo oa lona ke ofe? Ebe ke ofe, Ntate, Mora, kapa Moea o Halalelang?" Bao, boraro ba bona, ba Bang. Bibele e itse ba ne ba le Bang.

¹³¹ Jesu e ne e le ntlu eo Molimo o phetseng ka ho eona. Bibele e itsalo, mono, Timothea oa Pele 3:16, "Ha ho *khang*," (eo ke, "ngangisano") "sephiri sa borapeli se seholo. Hoba Molimo o bonahetse nameng, o bonoe ke Mangeloi, o amohetso... ho boleloa, ho lumeloa, le ho amoheloa Khanyeng." Molimo o no o le joalo. Bibele e boletse, "Lebitso la Hae e tla ba *Emmanuele*, ha ho fetoloa, 'Molimo o na le rōna.'" Bibele e itsalo, ho re, "Jesu, bottlalo ba BoMolimo bo ne bo ahile ho Eèna ka 'mele."

¹³² Kamoo re neng re e tšoere bosiu bo bong: Molimo, tšimolohong, e ne e le Moea. 'Me hape, ho Molimo, ho tsoile Logos, kapa theofani, e neng e le sebopreho sa motho, e bitsoang Mora Molimo, ponelopele. O tlie lefatšeng, ka 'mele oa nama, le pele a kena ka ho Jesu Kreste. Joale e koenye hang, moena. Ke tla u pakela eona.

¹³³ Mohla, mohla Moshe a ne a 'Mona. O itse, "Ntumelle ho bona sebopreho sa Hao, Morena." 'Me eaba Molimo o mo pata dahara ka lefika. 'Me eitseha A feta, a re, "E ne e le mokokotlo oa monna." E ne e le Theofani eo. Hantle haholo.

Eaba, Theofani eo ea ntoo tlameha ho etsoa nama. Hase Motho e mong, empa eèna Motho eo o ne a tlamehe ho etsoa nama, ho ntša tsenene ea lefu.

Joaleka notši ha e hlaba, e siea motsu. 'Me ha ea siea hoo... O khonne ho totometsa tsenene nameng ea motho ka baka la sebe. Empa, moena, mohla a ne a hlaba nama ea Emmanuele, a lahleheloa ke motsu oa hae. E, monghali. A ka bobola empa ha a sa na motsu.

¹³⁴ Ha ho makatse, Pauluse, mohla ba khaolang hlooho ea hae, a itse, "Oho lefu, tsenene ea hao e kae? U ka bobola oa

hoeshetsa kamoo u batlang. Uena lebitla, tlholo ea hao e kae? Empa ho lebohuoe Molimo o re fang tlholo ka Jesu Kreste.” Ke lona bao.

Ho nkile Molimo ka Sebele ho etsa hoo. O tlide ’me a bonahatsoa ka nama. A khutlela ho Moea.

¹³⁵ U re, “Moena Branham, ha u eso re bolelle, le joale, mohla Molimo o no o etsoa nama le pele A kena ka ho Kreste.”

Mohla Abrahama a ne a lutse tlasa tente ea hae, tsatsi le leng, ho fihlile Mangeloi a mabeli le Molimo, a nyolohela ho eéna, ka nama ea motho. Liaparo tsa oona li tletse lerôle ’me a khathetse, ’me ba lula fatše. Eaba Abrahama o tsoa a tšoara namane a e amoha khomo, a e hlaba. A khabela maqa a konyana. A tsoa a tšoara... a laela Sara ho luba hlama le ho e sefa, ho apeha linkhoa tse itseng. A fehla sereleli sa khomo, a ntša sereleli sa lebese. A li nka a li Bea ka ntle mono, eaba Molimo o a li ja.

¹³⁶ Alleluia! Ka lona lebaka leo, “Tumelo ea ka e lelala ho Uena, Uena Konyana ea Kalvari.”

¹³⁷ Ebe le e hopola e le taba ea tonana ho Molimo eo? Molimo, Ea bopileng potashe eohle le likhalsiamo, le ntho eohle lefatšeng, O kile a tla etela Abrahama. A re, “U hopola Ke tla u patela eona, haele moo u le mojalefa oa lefatše?” Amen. “Nke ke ka u patela eona.” Molimo o mpile feela oa tšoara... .

¹³⁸ Re bopiloe ka lielemente tse leshome le metso e tšeletseng. O khile bohashana ba potashe, le bohashana ba khalsiamo, bohashana ba petroleamo, leseli la khosmiki, hoo “Whew!” “Kena ka mono, Gabariele,” ’mele!

¹³⁹ “Whew!” “Kena ka mono, Lengana.” A kena ka mono.

Mangeloi a mabeli, a tsoang Leholidong!

¹⁴⁰ Molimo oa nanabela koo oa kha ka seatla se tletseng, “Whew,” oa kena kahara oona, ka Sebele. Oa theoha, ’me oa lapa. Thoriso! Le reng ka eona, lona baena ba Adventist le hanang ho ja nama? Re tla kena ho eona, kamora nakoana. Molimo o Matlaohle, Jehova, ho fumana haeba Lebitso leo le sa fetoleloa e le Eèna ea sehlahleng se tukang! Alleluia!

’Me eaba O ema holima lefatše, A re, “Le pele Abrahama a eba teng, KE TENG, eo Ea neng a le sehlahleng se tukang.” Ke hantle, Elohim, le bone haeba e se eèna. E ne le Eèna ea sehlahleng se tukang.

¹⁴¹ E ne e le Eèna ea ka pela sefahleho sa Abrahama, ka ’mele oa nama, ea jeleng namane, a noa lebese la khomo, a ja sereleli se tšasitsoeng holima linkhoa. Ho bokoe Lebitso la Molimo le Halalehileng! Ho tsoa a tsamaea mono le ho re, “Nke ke ka tlohela...”

'Me O ne a neile tente mokokotlo oa Hae. A re, "Abrahama, Ke tla u etela, 'me u tla fumana ngoana eo. Lilemo tsa hao li lekholo joale, 'me Sara o mashome a robong." 'Me Sara, kahara tente, a tloha, a tšeha. A re, "Sara o tšehele keng?" Kamorao ho Eèna; tente e le lipakeng tsa bona.

¹⁴² Abrahama a re, "Sara, na u tšehele?"

¹⁴³ "Che, lekhale bo."

¹⁴⁴ Ha thoe, "E, ehlide bo." Ke ho bala kelello ha mofuta ofe hoo? Ke ho bala mohopolo ha mofuta ofe hoo?

Le kajeno O etsa hoo. Ke Jehova-jire, Jehovarapha, eèna maobane, kajeno, le kamehla. Le ka mohla ha A hlollehe.

¹⁴⁵ Mo shebeng. Ke eo O eme mono. Ho tsoa le ho buisana le Abrahama; a nyamela, sefahlehong sa hae. 'Me mopatriareka e moholo Abrahama o itsé o "buile le Molimo lifahleho li talimane, Elohim," oona Molimo oo. Le a e tšoara? Hase Batho ba bararo, moena. Liofisi tse tharo tsa Motho a le mong!

¹⁴⁶ Tšimolohong ho ne ho le joalo, E ne e le Moea o moholo, Seliba sa ho loka hohle, lerato lohle, khots eohle. Ntho eohle e hlokang sekoli keha e ahile kahara Seliba sena. Eaba e qala e ipopa e nka 'mele, theofani, 'mele o kang oo re eang ho oona. Hase 'mele o tlotsitsitsoeng, empa ke 'mele oa lengeloi, ntho e kang eo; o na le sebopheho, tšobotsi.

¹⁴⁷ Nako le nako ha ke bona sefate, kea nahana, "Sefate seo ke neketifi. Posetifi e teng kae-kae." Sefate se bopiloe ka ntho e itseng. Se entsoe ke bohlale bo itseng. 'Me lefatše lena lohle le halimisa sa Leholimo. Bibebe e itsalo. 'Me efèla ha sefate se tlamehang ho timela se le teng mona, se ke keng sa timela se teng Khanyeng.

¹⁴⁸ Ha ke bona monna, ke bona bathoana ba ratehang, monna le mohatsae, ba theoha ka seterata, e le baratani. Hoo ho halimisa eng? Ho bokoe Lebitso la Morena! E mong o teng Leholimong ea ke keng a timela. "Efèla mohla tabernakele ena ea lefatše e senyehang, re na le e re emetseng, e leng theofani."

¹⁴⁹ Ebe le fumana triniti: Moea o moholo, o ahileng ka ho Mora, Jesu; Jesu o ahile kahara Kereke. "Ka letsatsi leo, le tla tseba hobane Ke ka ho Ntate, Ntate o ka ho 'Na, le 'Na ke ka ho lona." Sohle seo Molimo a ne a le sona, O se tsetse ka ho Jesu; sohle seo Jesu a ne a le sona, O se tsetse kahara Kereke. Ke lona bao. "'Na ke ka ho Ntate, Ntate o ka ho 'Na; Ke ka ho lona, le lona le ka ho 'Na." Ho na le... 'Mele ke oo.

¹⁵⁰ Ke bona bothata ba kereke. Ba rutiloe thutoana ea khale, ea 'mèmmè, thuto ea mofuta ea leleiti la khale, ea ho matha hohle ho tšoara lilallo tsa sopho le meketjana ea likarete. Ha ho makatse re fumana tsenyeheo e kana. Ha re hloke mananeo a bana le meapehonyana ea sopho. Re hloka Evangelie ea khale e khohlahetseng, le banna ba tumelo ba leketlisitseng sabole

kantle ka mona, 'me ba phephetsa. Seo re se hlokang kajeno, hase thutoanamolimo le mohopoloana oa lemuloana le itseng la motho. Re hloka Evangeli e khohlahetseng e reroang ka Leseli le ka Matla le ka ponahatso ea Moea o Halalelang.

¹⁵¹ Elolloang mona joale.

Joalekaha a boletse, o balile le leng letsatsi, ha o bolela ka molomo oa Davida, . . .

. . . holane Jesu a ba file phomolo, . . . o ka be o sa bolela . . . le leng letsatsi.

Empa phomolo . . . e saletseng sechaba sa Molimo.

Hobane ea keneng phomolong ea oona, . . . phomotse mesebetsing ea hae, joaloka Molimo ha o phomotse mesebetsing ea oona.

¹⁵² Joale ebe re tla bala kae? Mattheu, ea mashome- . . . Khaolo ea 11, temana ea 27.

Ntho tsohle tseo Ntate li beiloe ho 'na, li beiloe ho 'na ke Ntate, ke rialo: 'me ha ho ea tsebang Mora, haese Ntate; ke hantle, hape ha ho ea tsebang Ntate, haese Mora, le eo Mora a ratang ho mo koahollela eèna.

¹⁵³ Ua bona, hase bokaalo ba thuto ea hao, bokaalo boo-boo bishopo a batlang u bo tsebe. Ke bokaalo boo Molimo a batlang u bo tsebe. Ha u sa bone Tšenolo ena, u se ke ua botsa bishopo. Botsa Molimo. U se ke ua botsa molisa oa hao. Botsa Molimo. "Mora ke eèna ea Mo senolang," Eèna, leemeli la motho.

¹⁵⁴ Mamelang. Taba ena e tla le harola letsoalo. Molao ke oona. Pauluse o itse, "Holane A balile le leng letsatsi, A ka be a le boletse." Empa seo A se buileng ke sena.

Tloong ho 'na, lona bohole ba khathetseng ba imeloang, 'me ke tla le nea sabbatha, phomolo.

Inkeleng joko ea ka, 'me le ithute ho 'na; hobane ke mosa le pelô e nolo: 'me le tla fumanela moea ea lona sabbatha.

Hobane joko ea ka e chatsi, le liphahlo ea ka ha e boima.

¹⁵⁵ Shebang seo Pauluse a se buileng.

. . . holane Jesu a ba neile phomolo, . . . a ka be a bolela le leng letsatsi.

Empa o beile . . . letsatsi, ha o bua ka Davida, . . . kamora litšiu tse kalo; . . . mohla le utloang lentsoe la hae, le se ke la thatafatsa pelô tsa lona.

"Me e teng e sa saletseng . . ." Mamelang joale, temana ea 9.

Ha ho le joalo phomolo e teng, sabbatha, e saletseng sechaba sa Molimo.

Hobane ea, monna kapa mosali, ea keneng phomolong ea oona...

“Tloong ho ’Na, lona bohole ba khathetseng ba imeloang. Ke tla le fumanela phomolo.”

... le eèna o phomotse...mesebetsing, joaloka Molimo ha o phomotse mesebetsing ea oona.

¹⁵⁶ Lilemo tsa hao li ka ba mashome a mabeli. Lilemo tsa hao li ka ba mashome a mararo. Lilemo tsa hao li ka ba mashome a mahlano. Empa ka motsotsa ha u utloa Lentsoe la Molimo le kototsa pelöng ea hao, u se ke ua e thatafatsa. Ebe o kena... “Ea utloang Mantsoe a Ka, a lumela ho Ea Nthomileng, o na le Bophelo Bosafeleng, ba kamehla, ‘me a ke ke a tla tsuong empa o tlohile lefung ho kena Bophelong.”

¹⁵⁷ “Ebe, Moena Branham, ho etsahalang?” U fumana Moea o Halalelang. Kreste o kena ka ho uena. Na ho joalo?

¹⁵⁸ Phetlang le ’na ho Esaia, khaolo ea 28, ’me re bale. Esaia, khaolo ea 28, re bone seo moporofeta a se buileng ka eona. Mattheu...28, ho qala ka temana ea 8. Ponelo-pele ea matsatsi a qetelo ke ena. Re tsoanelia ho koala motsotsong.

Hobane litafole li tla, kaofela e tletse mahlatsa...tse sa sieeng sebaka.

¹⁵⁹ E re ke emise motsotsa, joaloka Ernie ha a buile bosiu bo bong. A ntse a bua ka motho e mong. Ernie Fandler, moena enoa ea tsoang Switzerland, o itse, “Ke ile ka emisa ka e lumella ho thophothela.”

¹⁶⁰ Ke batla taba ena e thophothele.

...tse sa sieeng sebaka.

Hobane litafole tsohle li tla tlala mahlatsa...

’Me joaloka ntja e khutlela mahlatseng a eona... le eona kolobe...e ea seretseng sa eona, le batho ba khutla joalo.

¹⁶¹ Molato oa lona Bamethodise ke ofe? Le kile la fumana Leseli. Ho etsahetseng? Molimo o Le tlositse letsohong la lona ’me O Le nea Banazarene.

Ho etsahetseng ka Banazarene? Le kile la boloka Leseli. Molimo o Le tlositse matsohong a lona ho Le nea Mapentekosta. Ka nèpo. Lona kereke ea Molimo le lona kaofela batho ba khalalelo, kahobane le hanne Leseli, le kile la itlhophisa la re, “Ha re sa tla lumela ho fetä mona,” Molimo oa tsoa o tsamaea hantle oa le bontša hore O na le batho ba ka Mo salang morao.

¹⁶² Ho etsahetseng ka lona Mapentekosta? Le ne le tšoere Leseli. Molimo o le amohile Lona.

Topallo ea Mollo e tsoelapele. Nako le nako enereha Topallo ea Mollo e tsamaea, Kereke e ne e tsamaea le Eona.

'Me eitseha Luther a hlophisa, a tsoa kerekeng ea Katolike, kerekeng ea hae ka sebele, Topallo ea Mollo ea tsamaea 'me Wesley a tsamaea le Eona.

Wesley o ile a hlophisa a iketsetsa bolumeli ba hae, eaba Topallo ea Mollo e a tsamaea 'me Manazarene a tsamaea le Eona.

Nazarenes a ile a hlophisa, eaba kerekeng ea Molimo e tsamaea le Eona; le ho ipolela e se bolumeli, empa e ne e le bona.

¹⁶³ Eaba ho etsahalang? Ntho e latelang e hlahileng, Mapentekosta ba bona Mollo, ke bao ba tloha. 'Me le entseng? La bopa thuto ea lipuo, la e hlophisa, "Mang le mang o tlameha ho bua ka lipuo pele ba fumana Moea o Halalelang," eaba Molimo o tloha a sutha 'me a le siea le lutse hona moo le leng teng.

¹⁶⁴ Ho etsahetseng ka Oneness? Le fumane kolobetso, ka Lebitso la Jesu. La etsa thuto ka eona, la ikarola ho e 'ngoe Eohle, eaba Molimo o tloha a le siea moo le lutseng teng. Hantle.

¹⁶⁵ Ho etsahetseng ka lona Assembly of God, General Council ea khale? Le bopile mokhatlo ka ea lona, eaba Molimo o tloha a sutha a le siea le lutse. 'Me joale ha le letho le mpa le bata, le le sehlopha se fofu joaloka ba bang bohle.

'Me Topallo ea Mollo e tsamaea e tsoelapele. Allelua!

...litafole tsohle li tletse mahlatsa,...

¹⁶⁶ Shebang Selallo sa Morena. Hobaneng, esitile ba...Ke ne ke fihle moo ba tšoarang loufu ea khale ea bohobe. Athe bohobe bo tlameha ho etsoa ka bohobe bo sa lomosoang. 'Me ba bo jesa le baetsalibe, batsubi ba lisakrete, liotsoa, lihlola, ha feela mabitso a bona a ngotsoe bukeng.

¹⁶⁷ 'Me lona Baptist le bile le se bitsa selallo se "koetsoeng." Joale, lona Baptists le ka itlatlarietsa nakoana, Molimo o tla le khorola lenaka. Ke hantle haholo, le tla sitoa ho le lets. Selallo se "koetsoeng," lea ikarola, le ipona le halalela ho feta ba bang.

Le hopole, ena ke tabernakele ea Baptist. Le fumana hona hoo, le hlophisa ea lona. "Oh," u re, "rōna ha re mokhatlo." E, le oona. Ruri, le oona. Le re, "Rōna re setsoalle." Yaa, ho mang ea kenang monyako 'me a ruta ho latela tumelo ea lona, ho itoketse. Empa, e mong, le—le ke ke la mo kharameletsa kantle, empa le tla mo khaola boeneng ba lona. Ke hantle haholo. Oh,

le fumane tsela ea ho e sebetsa. Le joalo Molimo o fumane tsela ea ho e sebetsa. Empa Kereke ea Molimo e tla tsoelapele. Topallo ea Mollo e ke ke ea e mamella.

...litafole tsohle li tletse mahlatsa...

¹⁶⁸ Joale mamelang. Joale taba ena e tla le harola letsoalo nakoana. Mamelang. Ke tla bala Lentsoe. Enoa e ne e le mang? Moporofeta, Esaia.

...litafole tsohle li tletse mahlatsa...ha ho letho le hloekileng, ke ha ntja-eja-ntja.

¹⁶⁹ Tloo kerekeng: basali ba kheketla, ba poma moriri oa bona, ba tena lishotso, ba tsoa ha ba bona banna ba theoha ka seterata; ba hela joang ka mochini, banana ba batla ho utloa motho ea letsang mololi oa lebulutoko kapa mololi oa phokojoe, e ka bang eng, u a tseba, "Whet-whew!" Oh, le nahana hore le batle, ha ke re?

¹⁷⁰ 'Me lona banna le theosa ka seterata, u suntse sakreste molomong oa hao, athe ke motikone lekhotleng. U tsoana le poho ea Texas e khorotsoeng lenaka. U ikhopola u le motho ea itseng. Ke hantle haholo. Ha ho makatse ha litafole kaofela... Ho nyoloha le ho ja selallo, le ho itsoara joaloka motho ea itseng, u a qhekanyetsa u a utsoa u bua leshano, hara veke. Molato keng ka uena?

...litafole tsohle li tletse mahlatsa...

¹⁷¹ "Oh, ke ja Selallo sa Morena. Ehlide, rea se ja kerekeng ea rōna. Jesu o itse O tla re tsosa matsatsing a qetelo ha re ejaa Selallo sa Morena."

¹⁷² Empa, "Ea jang a enoa ka mokhoa o sa lokelang, o ja a inoella tsuo, hobane ha a lemohe 'Mele oa Morena. Ka baka lena ba bangata hara lona ba kula ba fokola, ba bangata ba se ba shoele," likereke tsa khale, tse shoeleng, tse fofo. Moea oa Molimo o tsoile ho lona. Topallo ea Mollo ha e sa hlole e le teng mono. Le latola pholiso ea Khalalelo. Le latola tsoho.

¹⁷³ "Oh," u re, "oh, O tsohile bafung, ho latela histori." Be, ho thoeng ka ho ba Eèna kajeno, haeba A tsohile bafung? U re, "Oh, ha ho joalo." Joale, ke lona bao. Le tsoere tsoho kamoo le e batlang, le Molimo o e tsoere kamoo A e batlang.

¹⁷⁴ Empa, taba ke ena, Bibele e boletse, 'Nete eo re e tsebang, ke hore O tla chaella Lentsoe. "'Me lintho tsena tseo Ke li etsang le tla li etsa le lona. 'Me Ke tla ba le lona kamehla eohle, ho isa bofelong ba lefatše." "Jesu Kreste maobane, kajeno, le kamehla." Lentsoe le itsalo.

¹⁷⁵ Joale sabbatha keng?

...litafole tsohle li tletse mahlatsa...ha ho sebaka se le seng se hloekileng.

O tla ruta mang bohlale?

E seng bohlale ba lefatše; bohlale ba moea!

O tla ruta mang bohlale? . . . O tla utloisa . . . mang thuto?

¹⁷⁶ “Oh, ho bokoe Molimo, mokhatlo oa rōna ha o lumele Sena. Ba ke ke ba mamella Hoo.” . . . ho sa tsotelehe se lumeloang ke mokhatlo oa hao. Lentsoe la Molimo le reng ka eona? “Oh, be, balisa ba rōna, u a tseba, ba rutehile.” Oh, ehlide. Ruri, ho rua thuto e ngata, hoo ba siileng Molimo kantle. Ka sebele, hoba u ka ba bolella Lentsoe ‘me ba tla potoloha ba re, “Be, ke mpa feela ke sa Le lumele ka tsela eo.” Oh, ’mèmmè tooe! E re ke u bolelle.

¹⁷⁷ Sheba mona.

. . . o tla utloisa . . . mang thuto? Hleka ke bana ba sa tsoa khoesoa letsoeleng, kapa . . . ba tsoa khoesoa, kapa ba tlositsoeng letsoeleng.

¹⁷⁸ Letsatsi le leng, moahisane oa ka o ile a fihla. A re, “Billy, molisa e mong mona motseng, mothoana ea khabane ea ratehang eo u kileng ua ‘mona . . .” Ha thoe, “Na le mohatsa ka re ne re lutse re apere lipijama tsa rōna, e ka ba khitla ea bosiu, eaba molisa e monyenyan eo o matha a kena ‘me a—a—a noa kofi e seng kae le rōna a tloha a kena tlung ea moahisane e mong, a tsukutla matsoho le bona. Keha ba tšoere papali ea likarete, eaba o lula fatše ho bapala likarete le bona.” Ho re, “Oh, ke motho ea tsoakanang le batho hamonatjana eo u kileng ua ‘mona.” Ho re, “Oh, rea mo rata. Re ke ke ra mo leleka ra mo fapanyetsa ka letho.”

¹⁷⁹ Ka ema mono nakoana, ka nahana, “Be?”

¹⁸⁰ Ho re, “Oh, ha u nahane kereke ka ‘ngoe e hloka monna ea kang eo?” Huh! Keha ke sa khone ho arabela. A re, “Nqa e ‘ngoe,” ha thoe, “ba ne ba ahile tulo e ntle. Moreri enoa le mohatsae, batho ba ratehang, ba ile ba tsoa ba sebetsana le bana hofihlela ba theile e—e sekolo sa Bibele.” Le ho re, “Keha ba fumane bongata bo bokakang, tulo eohle keha e phophoma bana.” Ha thoe, “Khele, o na le bokhoni ba ho phethela bana ba banyenyan lipale tsa mefuta eohle.”

¹⁸¹ Ka re, “Ho hotle. Ho hotle haholo.”

¹⁸² Ka khutla. Ke sa tsoa khutla Canada. Ka nahana, “Ke ‘na enoa. Khele! Batho . . . Molato oa ka ke ofe? Ha ke etse joalo.” Ka tloha ka hlatsoa koloi ea ka. Ka nahana, “Molimo, ke leqheku le tsfafalang la monna, ‘me ke ‘na enoa. Ke loanne. Ke llile. Ke qekile. ‘Me sohle seo re se fumanang ke nyefolo e kholo.”

¹⁸³ Ntho efe, motho o u bua hampe, “Oh, molumeli oa khale ea thethehang,” ntho e kang eo.

¹⁸⁴ Ka e nahana. Eaba Lentsoe le a mphihlela, ha thoe, "Banna bao ba itoketse ha ba etsa hoo, empa ha Kea u biletsha ho etsa hona. Ke u bilelitse ho tšoara Sabole le ho ema mono joaloka Joshua u phephetse, moena. E seng ho bokotsana le sosaiti sa khale kapa kereke ea mokhatlo, empa ho phephetsa liabolosi. Ho ema kapele, ho bitsa botle botle, le bobe bobe. Ho rera Lentsoe le ho fumana ea nang le tumelo ho Le lumela. Ho 'meha kantle mono."

¹⁸⁵ Ka hla ka potlaka ka koloi eo, ka linako tsohle, ke hlatsoa. Ka re, "Kea u leboha, Morena. Kea u leboha, Morena." Ka ikutloa ke thabile. "Ho itoketse, Morena, ke tla e fuparela ka thata ho feta, ke batla ho shoa ke E tšoere letsohong la ka."

...Ebe Nka *utloisa mang* ho tseba *thuto?*
(Mamelang.)

...*litafole li tletse mahlatsa...*

...*ba tsoa khoesoa, kapa ba tlositsoeng letsoeleng.*

Joale shebang.

Hobane ke joaloka molao holima—holima molao, molao holima molao;...taelo holima taelo; hanyenyane mona, hanyenyane mono:

Ka baka leo ke ka melomo e kokotletsang le lipuo tse ling Ke tlang ho bua le sechaba sena.

Ho na be a se a boletse a re, Mona ke nqalo ea sabbatha le baballe batho ba khathatseng ka phomolo;...ke nqalo ea likhatholoho: empa se hanne ho utloa.

Ka hona Lentsoe la JEHOVA le tlie ho bona, o teng motho ea Le rerileng, molao holima molao,...holima molao; taelo holima taelo,...holima taelo; hanyenyane mona, hanyenyane mono; hore ha ba tsamaea, ba oe ka lietse, ba robehe, ba oele sefing, ba tšoasoe.

¹⁸⁶ Phomolo ke'ng? Phomolo e tlie neng? Mohla batho ba buang ka lipuo lisele le ka melomo e kokotletsang. Melomo e kokotletsang; keha ba sa bue letho. Ba mpa ba kokotletsa. Hoo ho hlahile neng? Ka Letsatsi la Pentekosta, mohla Moea o Halalelang o no o fihla. Ke eona Phomolo: Moea o Halalelang. Jesu o itse, "Tloong ho 'Na, lona bohle ba khathetseng ba imetsoeng, 'me Ke tla le nea Phomolo. Ke tla le nea Bophelo, Bophelo Bosafeleng," Zoe, Bophelo ba Molimo ka sebele. Molimo o tla kena ka ho lona ebe karolo ea lona. O tla u tsoala a u etse mora le morali.

¹⁸⁷ Joale sheba. O ne a fane ka phomolo ea ho qetela. Ea pele: Molimo o e fumane, mesebetsing ea Hae. Ea bobeli: Iseraele o e fumane, kahara molao. Ea boraro: Kereke e E fumane, e le karolo ea Molimo.

¹⁸⁸ Tharo ke palo ea bophelo. Ba bakae ba tsebang hoo? [Phutheho e re, "Amen."—Mong.] Nako le nako ha u bona tharo, ke bophelo. Lemoha, mohla Molimo o no o bopa lefatše, bophelo bo tlile ka letsatsi la boraro. Ba bakae ba tsebang hoo? ["Amen."] Letsatsi la boraro. Bophelo bo hlahile letsatsing laboraro la popo.

Triniti: Ntate o ne a le holima batho, ka Topallo ea Mollo; Mora e ne e le Monna, ea buileng le batho a ba hlophisa; Moea o Halalelang e ne e le khato ea ho qetela, e neng e le Moea o Halalelang, Molimo kahara batho. Bophelo! Ntate, Mora . . .

Phomolo, ea Molimo; phomolo, ea Iseraele; le Phomolo, ea Kereke, ho boloka sabbatha.

¹⁸⁹ Ka baka leo, haeba u eso amohele Moea o Halalelang, le joale, ha u eso kene Phomolong ea Molimo. Ha u a tlameha ho re, "Oh, ha kea khona. Ke batla ho tsuba. Ke—ke mpile ka hloleha ho e etsa; ke Mokreste. Ruri ha ke batle ho noa, empa ke Mokreste. Nke ke ka etsa hoo, ha ke batle ho noa, empa kea rata."

¹⁹⁰ Ha u lakatsa basali, ha u etsa lintho tsena tsohle tse khopo, ha u eso thulane le Phomolo eo. Ha u eso kene Phomolong ea hao.

¹⁹¹ 'Me ha u kena Phomolong ena, o khaotsa mesebetsing ea hao ea lefatše lena, joaloka Molimo ha o entse ho ea Oona. Hobaneng? U karolo ea Molimo. U phomola, ka Bosafeleng. Ke moo he. Ke eona Sabbath. "Tloong ho 'Na, lona bohle ba khathetseng."

Kajeno, o balile *le leng letsatsi, . . . kamora litšiu tse kalo*, ka Davida; . . . ha le *utloa lentsoe la hae, le se ke la thatafatsa lipelō tsa lona*.

¹⁹² Lentsoe le leng kapa a mabeli hape mona joale, re tla koala.

Hobane ea keneng phomolong ea Kreste, . . .

Tloong ho 'na, lona bohle ba khathetseng le . . . imeloang . . .

. . . le se le phomotse mesebetsing ea lona, joaloka Molimo ha o phomotse ho ea oona, ka letsatsi la bosupa.

Ea hao e ka ba e hlahile ka selemo sa mashome a mararo, selemo sa mashome a mane, selemo sa bohlano, e ka bang eng. U khaolitse mesebetsing ea hao, joaloka Molimo ha o khaolitse ho ea Oona, ka Bosafeleng. Ha u sa batla lintho tsa lefatše hape. Lefatše ho uena le shoele.

¹⁹³ Joale, temana ea 11 joale, ka kelohloko.

A re ke re itlhahaneleng ke hona ho kena phomolong eo, (e seng ena, e seng ena, empa Ena), esebe e mong a tšoha a e-oa ke ho ea ka mohlala oa bao ba sa kang ba lumela.

¹⁹⁴ Ke eng? Topallo ea Mollo e teng mona. Lengeloi la Morena le na le rōna. O etsa tseo A boletseng A tla li etsa. 'Me batho ba khoptjoa, ba re, "Oh, be, kea kholoa E itoketse. Ho hotle haholo. Oh, kea kholoa E molemo." Ela hloko u se oele larabeng leo la ho se lumele. U Le amohele ka pelō ea hao eohle.

¹⁹⁵ Sheba.

Hobane lentsoe la Molimo (e seng thuto ea kereke) . . .
lentsoe la Molimo lea phela, *le matla* ho fetisa, . . .
le fetisa ka bohale lisabole tsohle tse leolitsoeng
ka nqa tse peli, (mamelang), . . . *le a hlaba le ee ho*
kena . . . *likhaohanong tsa eona pelō*, *oona moea*, . . .
manonyellong le oona mokong, 'me . . . (mamela), 'me *le*
ahlola maikutlo le eona mehopolo ea pelō.

E ne e le eng? Moea o Halalelang o ka fihla oa re, "U entse *hore-le-hore*. 'Me u entse *sena* 'me u entse *sane*. U jeoa ke boloetse ba mofuta *ona*, le *oane*. Ha u ka lokisa *sena*, u tla etsa *sane*." Ua bona? Le ahlola maikutlo.

¹⁹⁶ 'Me batho ba re, "Hoo keng? Hobaneng, ke bokhoni ba ho bala kelello. Hobaneng, ke e . . . Ke senohe." Le bona seo ke se bolelang? Ke lefatše le khopo, la khale le mofebi le sa tsebeng Molimo.

¹⁹⁷ "Le a phela, le kelello ho feta, le fetisa ka bohale sabole e leolitsoeng ka nqa tse peli, le ahlola maikutlo le mehopolo ea pelō."

Joale, ho tsebang mehopolo ea pelō keng? Molimo. U itse, "Be, Bibele e itse, 'Lentsoe la Molimo.'" Lentsoe la Molimo ke Molimo.

Lentsoe le ne le le tšimolohong, . . . *Lentsoe le ne le le*
ho Molimo, 'me *Lentsoe e ne e le Molimo*.

'Me *Lentsoe le ne le etsoe nama, la aha hara rōna*, . . .

¹⁹⁸ Molimo o ahlola maikutlo. Abrahama o ne a furaletse, le—le Molimo a neile tente sekotlo sa Hae. Eaba Sara o a tšeja. 'Me Molimo oa retoloha, oa re, "Sara o tšehele keng?" Moahloli oa mehopolo ea pelō! Ke e batla e thophothetse nakoana.

¹⁹⁹ Mohla tšebetso ea mofuta oo e hlhang, etsoe Molimo o e tsepisitse letsatsing la ho qetela, ho ile ha etsahalang? "Sebala-mohopolo."

²⁰⁰ Ana ha ba ka ba bitsa Morena, ka Sebele, "Belsebule"? O itse, "Ekare ha ba bitsa Mong'a ntlu 'Belsebule,' hakakang ba tla bitsa barutuo ba Hae joalo?"

²⁰¹ Kea le rata. Ketso eo e supa thahasello ea lona e lekaneng, ha le a tlameha ho kena moahong o pholisitsoeng ho utloa Evangeli. Le lapile hoo le ka tlang tulong e tjena. Molimo ha o a re lumella ho haha letho haese sena. Re e rata e le tjena. Ke motlotloana oa khale feela, empa re e rata e le joalo. Molimo

ha o a haha phatsimong. Molimo o ahile boikokobetsong. Re e rata tjena. Re thabetse ho tla, le lona, hape, ho lula ka—ka tulong e tjena. Ho sa tsotelehe mocheso o mokakang, o fufuleloa hakae kahara sutu ea hao e ncha, mose oa hao o mocha, hoo ha ho etse phapang.

U ntse u mametse Bophelo Bosafeleng, Lentsoe la Molimo le tsebang mehopolo ea pelō ea hao. Topallo ea Mollo e kileng ea leketla holima bana ba Iseraele, e leketlile mona bosiusi bona. Nka e phephetsa: ha ho motho ea ka emang tlasa matla a Moea o Halalelang Molimo o ke ke oa mo hotolla oa 'molella seo a kileng a ba sona. Ke hantle. Ke lona bao.

²⁰² Ke eng? Ke eng? Ke oona Moea o isitseng Bana ba Iseraele phomolong ea bona, 'me ba oele ka baka la ho se lumele. U se ke ua oa. Ona ke monyetla oa ho qetela. Ntate, Mora, le Moea o Halalelang, Bophelo bo tsoa hona mono.

²⁰³ Tokafatso, Martin Luther, esale sebopoho sa borapeli. Khalaletso... Martin Luther; John Wesley; kolobetso ea Moea o Halalelang, Bophelo. Tokafatso, ke ho lumela; khalaletso, ke hlatsuo; Moea o Halalelang, ke ho tlatsoa, Bophelo. Hase ka mongoaha oa Luther; ba Bo fumane ka sebopoho. Hase ka mongoaha oa Wesley; ba Bo fumane ka sebopoho. Empa Moea o Halalelang o fihla mongoaheng ona, ka Sebele.

²⁰⁴ 'Me ha u eso O amohele, u khona joang, u ka lumela mehlolo joang? Hoo ho hloka Molimo, ka ho uena, ho lumela. U itšoara joaloka Molimo. U tseba joaloka Molimo. U nahana joaloka Molimo. Bibele e boletse e le bitsitse "melimo," e menyenyane. Jesu o itsalo. Hobane, u karolo ea Molimo.

Joaloka ha ke le Branham e menyenyane, le uena u mang-mang e menyenyane, hobane ke lona lebitso la batsoali ba hao. Semelo sa hao se futsitse sa batsoali ba hao, hoba u tsoetsoe ke bona.

'Me lebaka leo u lumelang Molimo, 'me u lumela mehlolo, le lipontšo le meeka, hoba le bara le barali ba Molimo. U amohela Bophelo. Bophelo bo fihla ka la laboraro. Ho lokile.

²⁰⁵ Mohla Jesu a ne a nyolohela thabeng, hoohole moo A ileng, O ile a nka Petrose, Jemes, le Johanne, lipaki tse tharo. Tharo ke palo ea Bophelo. Lea e tšoara? [Phutheho e re, "Amen."—Mong.] Lerato, thabo, khotso.

²⁰⁶ Joale, ha re potlakeng joale ho fihla qetellong ea khaolo, ka potlako, re sa bala.

Hobane lentsoe la Molimo le a phela, le matla ho fetisa... lisabole life tse leolitsoeng ka nqa tse peli, ... le ahlola esita le mehopolo ea pelō.

Ha ho sebopua se sa pepenenehang ho oona: empa tsohle li... senohile mahlong a eo re nang le litaba le èèna.

²⁰⁷ Moena, ha ho ntsintsi e ka lulang holima thupa mono, A sa e tsebe. "Linthro tsohle li senohile." Moena, O tseba tsohle tseo u kileng ua li etsa, tseo u hopolang u kile ua li hopola le ka mohla. Ke seo A leng sona. Re Mo lumela ka tsela eo.

'Me ha Molimo a kena ka ho rōna, 'me a re beha kahara Kereke, O kenya lineo le linthro kahara Kereke, ho laola Boleng ba Hae. Efèla ha Molimo e le Molimo mohlokaphello eo, ke moo A folisang bakuli. A ka tsosa bafu. A ka hloekisa balepera, a ka tutubolla mahlo a sefov. A ka hlahisa lipono. A ka etsa linthro tseo tsohle, a ntse a sebetsa ka Kereke ea Hae, hoba e le Molimo ka ho lona. Ke eo Kereke.

²⁰⁸ Kereke eo e fetoha Kereke joang, ka ho E joina? Che, monghali. Ka ho tsukutla matsoho? Che, monghali. Ka kolobetso ea metsi? Che, monghali. Ka lengolo la botho? Che, monghali. O E fumana joang? "Hobane ka Moea o le mong re kolobetsoa bohole 'Meleng o le mong." Ke lona bao.

²⁰⁹ Baroma 8:1.

Ha ho le joalo ha ho sa le tsuo . . .

"Ha ho sa le tsuo ea lefatše." Ba ke ke ba u qosa ka letho.

*Ha ho . . . tsuo joale leha e le 'ngoe ho ba leng ho Jesu
Kreste, e leng ba sa tsamaeeng ka nama, ba mpa ba
tsamaea ka Moea.*

²¹⁰ Ke lona bao. Bokreste ba hao o bo ahlola joalo. U tseba joalo ha u kene Phomolong, lefatše ha le sa u hlopha. Ruri. U a le bona, u tsamea u tloha ho lona. U nahana ka ntho e fetisang ka molemo. Ke moo, "Ha ho tsuo." Re kena joalo kahara 'Mele.

²¹¹ 'Me u sirelelitsoe, "Ka ho sa feleng." Bibele e itsalo. Sheba ka mona ho Baheberu, khaolo ea 10. O boletse:

*Haele mahlabelo ao a lipholo le secheso, ho boetse ha
hapoloa sebe ka selemo se seng le se seng.*

Empa eëna, . . . hoba a nehele sehlabelo se le seng . . .

Ho bokoe Lebitso la Hae le halalelang!

*Hobane ka sehlabelo se le seng o phethisitse ka ho sa
feleng . . .*

²¹² Alleluia! Ha se hofihlela tsoseletso e latelang, empa *ka ho sa feleng*. "Tsa khale li fetile; 'me tsohle li nchafetse." Re tsamaea Leseling, Leseli le letle. Linonyana li bina ka tsela e fapaneng.

²¹³ Eare ke sa lutse mona, ke shebile mothoana enoa e leng lekhoba la tahi, lilemo tse ka bang hlano tse fetileng, kea kholoa. Rosella, mankhane ea mahlo a lephekha, a theosa ka literata tsa Chicago, a tahiloe, a sothahana, a kenela sebe sa mofuta ofe le ofe, a tahiloe le sohle seo a neng a ka ba sona.

'Me bosiu bo bong, Moea o Halalelang, o phelang o bile o fetisa sabole e leolitsoeng ka nqa tse peli, oa re, "Mosali, o lekhoba la tahi." Allelua! Haeba e se oona Molimo oa morao mono, o tsebileng Sara ea tsehileng ka morao ho Oona, ha ke tsebe seo A leng sona.

²¹⁴ Holima ho letšoelé ho lebisa ho mosajana e mong. La tloha la ea lata, la mo kenya kahare ka mona. Ha thoe, "U lekhoba la lithethefatsi." Kamoo A senolang mehopolo ea kelello!

²¹⁵ 'Me mono keha ho lutse bareri ba baholo ba maemo, ba tsamaisang evangeli lefatše bophara, ba phuthile matsoho a bona, ba apere litishete, ba hopola re sa ba tsebe, ea ka ba ka lula tlasa kopano e joalo Molimo o ke ke oa ba senola hore ke bo mang. Ho lula mono, ba ikhakantse, eka ke motho osele. Moea o Halalelang o ba tsebile. 'Me keha ba lutse mono, ka lipelōng tsa bona, ba E hopola e le bokhoni ba ho bala kelello. Ba sa tsebe letho ka Molimo sa Lehotenoto le ka tsebang ka bosiu ba Egepeta. Ke hantle. Ba Le tseba ka letere, empa e sang ka Moea. "Letere e a bolaea, empa Moea o a Phelisa." Ke eona. Ke oona mohopoly. "Le a phela, le matla ho fetisa sabole e leolitsoeng ka nqa tse peli, ke Moahloli oa mehopolo ea pelō."

²¹⁶ Mamelang. Shebang.

Ha ho sebopuoas se sa pepenenehang ho oona: empa tsohle li hlobotse li senotsoe mahlong... eo re nang le litaba le eëna.

Erekaha re ena le moprista e moholo ea nang le boholo bo bokaalo... (Mamelang joale; ho bakuli.)... e leng Jesu Kreste Mora Molimo, ea phollelitseng ka maholimo, a re tiiseng boipolelo ba rōna.

²¹⁷ "Tiisang," hoo ha ho bolele ho lula u paka. Ha u sa phele bophelo, ha u a tiisetra; u phela ntho ea boikaketsi. U a... U mpe u tsoe u ipitse moetsalibe 'me u e lebale. U se ke ua ipaka u le Mokreste, u ntano phela ntho e fapaneng; u kutuhali kholo e khopang e kileng ea hlaha holima lefatše. Ha u le moetsalibe, e amohele 'me, u tsoele pele, lokisa litaba le Molimo. Ha u le Mokreste, tiisetra kano ea hao, lula mono.

²¹⁸ Sheba sena joale. Ke batla ho sotetsa sena pele re tloha.

Hobane moprista e moholo eo re nang le eëna hase ea ka sitoang ho re utloela bohloko mefokolong ea rōna; hobane o lekilo e nthong tsohle... rōna, empa ha a ka a etsa sebe.

Mamelang.

Ka baka leo a re atameleng ka tšepeo terone ea mohau, hore re tle re bone mohau, 'me re fumane lereko le ho thusoa nakong e loketseng.

Ho bokoe Lebitso la Molimo!

²¹⁹ Mamelang, Baptist, Presbeterian, Lutheran. Le tlil'o mpotsa potso ena, "Abrahama o lumetse Molimo, 'me a balloa hoba hoo ke ho loka." Kea tseba. Kamehla le tselela mono. E nèpahetse. "Motho a ka hlola a etsang haese ho lumela Molimo?" Ke hantle haholo. Ke phetho seo a ka se etsang. Empa eareha Molimo o hlomphile tumelo eo, O u nea Moea o Halalelang.

²²⁰ "Joale ebe ke etsang, Moena Branham? Na kea hooeletsa?" Hase hakaalo. "Na ke bua ka lipuo?" Hase hakaalo. U ka hooeletsa ua bua ka lipuo, 'moho, 'me oa phela joaleka e—joaleka mohetene, u ntse u lakatsa basali. U ka tsuba ua noa, ua etsa ntho eohle esele. Ke bone batho ba buang ka lipuo, ba tloha ba qhekanyetsa ka mokhoa o litšila, o silafetseng oo nkileng ka o bona. Ke ba bone ba hooeletsa, ba lla se mothamo, 'me ba utsoa sohle seo ba ka se khonang. Ke ba bone ba etsoa, 'me ngoanana e mong le e mong ea theohang ka seterata, ba hetla. Uh-huh. Ke pontšo e le 'ngoe e ntle e u joetsang u se na Oona. Ke hantle.

²²¹ Empa, moena, ha u tlohile lefung ho kena Bophelong, lintho tseo tsohle li shoele, u 'mopua e mocha ka ho Kreste Jesu. Ha u bona ntho e phoso, u tla e rapella, "Molimo eba le mohau." 'Me ha u bona mathata, sebakeng sa ho tloha ka bohata, ho leka ho bo mpefatsa, u tla leka ho ea ho motho eo u e lokise, le ho e kokobetsa ka potlako. Oo ke Moea oa Molimo ka ho uena.

²²² Ha u etsa phoso teng? U ka khona ho li etsa. Ha u etsa phoso, u tla e lokisa ka potlako. "Khalefo ea hao e se ke ea liketsa letsatsi." U tseba joalo ha u tlohile lefung ho kena Bophelong, u na le lerato, khotso, thabo, mamello, molemo, bonolo, tiisetso. Re na le Moprista e Moholo ea lutseng Leholidong, ea loketseng ho re buella holima maipolelo a rōna. Ke eng? Ke mohla Jesu a ne a khutlela ho Logos, Topallo ea Mollo e tsamaisitseng bana ba Israele, ea lutseng ka pela Sefahleho se seholo seo sa lintho tse kholo, seliba, Maseli a chalamelitseng a mookoli, Meea e phethehileng e supileng, Moea o phethahetseng oa lerato.

²²³ Joale sheba. La pele ke lerato le *phethahetseng*, lona ke lerato la Molimo, le se nang sekoli le sa tsoakoang. Le latelang, mono ho kena, lerato la *phileo*, leo ke lerato la hao ho mohatsao le ho bana ba hao. Le latelang, le a theoha, ke lerato la *takatso*. Le latelang ke lerato la *bokhopo*. 'Me le theoha hofihla e le *litšila*, ha le phetse ho khopama, ho khopama.

²²⁴ 'Me sohle se bileng le qalo, se na le qetello. 'Me ntho eo eohle e tla tlsooa, e se hlole e hopoloa, ho hang, 'me e tla khutla e phethahale, ka tsatsi le leng. 'Me mokhoa o le mong... U ke ke ua emisa tlase mono, bohareng ba tsela, le ho nyolohela holimo *mona*. U tlameha ho kena ka ho felella, u tšepa, u phomotse ka bottlalo holima poloko eo Jesu Kreste a u neang eona, ka tumelo.

²²⁵ O teng Moea oa botšepehi o tsoang ho Molimo. Ke seliba seo, seliba sa Molimo. Boo ke botšepehi. Ntho e latelang ke monna ea etssetsang moahisane oa hae “ketso e lokileng.” Ntho e latelang ke mothaka eo, “u tlameha ho mo bea leihlo.” Mothaka ea latelang, “ke lesholu.” Mothaka ea latelang, “ke ‘molai,” ema hona moo. Le bona kamoo e khopamang kateng, ha e ntse e theoha? Empa lintho tseo tsohle li bua ka ntho ea ka sebele.

²²⁶ Ke seo ke se buang. Nako le nako ha u bona motho ea . . . Ha u bona bathoana ba theoha ka seterata, baratani, lilemong tsa bona tsa mashome a robeli. E mpa e bapisa bathoana ba babeli Lehelimong, koana Lehelimong. “Efèla mohla tabernakele ena ea lefatše e senyehang, re na le e ‘ngoe Mono.”

²²⁷ Ha u bona monna a qhakanyetsa, a utsoa, a le leshano, ako hopole feela, kabelo ea hae e mo emetse liheleng, e mo lekanang, hona moo a tla hlokofatsoa ka pela Sefahleho sa Molimo le sa Mangeloi a halalelang, ka mollo le sebabole. O tla hlokofatsoa mono. E seng kamehla, a ke ke a hlokofatsoa kamehla, kamehla ha ho bolele, ka linako tsohle. Bosafeleng ke kamehla, Bosafeleng ke . . . ha bo na qalo kapa qetello. Empa *kamehla* ke “nako a baliloeng.” Bibele e itse, “Kamehla le,” ke lekopanyi, “kamehla.” Jonase o itlalehile a hlotse mpeng ea leruarua “kamehla.” Ke nako e baliloeng.

²²⁸ Empa, sheba, Bophelo Bosafeleng bo bong feela, ‘me bona ke Molimo. ‘Me haeba u tla hlokofatsoa kamehla, ‘me u ke ke ua shoa, ekabeba u na le Bophelo Bosafeleng. U ke ke ua hlokofatsoa kamehla . . . U ka hlokofatsoa limilione tse lekholo tsa lilemo, ka pela Sefahleho sa Molimo le sa Mangeloi a halalelang, ka mollo le sebabole. Ha ke tsebe e laotsoe nako e kae. Empa qetellong e tlameha ho fela kaha e na le qalo. ‘Me ke Molimo o ‘nosí o nang le Bophelo Bosafeleng. “Ea utloang Mantsoe a Ka, ‘me a lumela ho Ea Nthomileng,” ha a rua bophelo ba *kamehla*, “o na le Bophelo Bosafeleng.” Bophelo boo bo qalang, hase letho la *mona*. Empa holimo Mono, Bophelo Bosafeleng, *Zoe*, Bophelo ba Molimo ka Sebele bo theoha bo aha kahara monna, ‘me ke oa Bosafeleng le Molimo, ‘me a ke ke a shoa. Lentsoe le boletse joalo.

²²⁹ E nahaneng feela. Na ho fumanoa maphelo a Mabeli a Bosafeleng? U ke ke ua e arabela, ha ke re? Bophelo Bosafeleng bo bong feela, ‘me bona ke Bophelo ba Molimo. Bophelo bona ba mofuta o mong, ho sa tsotelehe seo bo leng sona, bo tlameha ho fela. ‘Me ntho efe e bileng le qalo e na le qetello. Empa ntho efe e sa kang ea qala ha e na qetello. ‘Me Molimo o itse O tla re nea Bophelo Bosafeleng, bo se nang qalo, re mpa re entsoe karolo ea Hae. ‘Me ka tšoanelo Bophelo bo ka ho rōna, mona ha bo a tlisoa ke tlhaho ea motho. Tlhaho e re file moea, empa moea oo o ile oa shoa, ‘me re ruile Moea oa Molimo. Thoriso ho Molimo!

²³⁰ Na Molimo e ne e le motho? Ruri. “Ha Re etseng motho ka setšoantšo sa Rōna ka Sebele.” Molimo e ne e le eng? Theofani, ’mele. ’Me teng motho a etsoa ka tsela eo a beoa ho laola tšimo. Empa ho se motho ea ka lemang mobu, lithokutlong tseo. Eaba O bopa motho ka lerôle la lefatše, bophelong ba liphoofolo, ’me motho eo a lema mobu. ’Me motho a oa, ka tlolo. Ka nèpo. ’Me Molimo, Theofani, a theoha a etsoa nama a aha hara rōna, ho lopolla motho.

²³¹ Hase seo u khonneng ho se etsa. U moetsalibe, le ho qaleng. U bopetsoe bokhopong. U tsoaletsoe sebeng, u tlie lefatšeng u bua mashano. U tsoetse lefatšeng lena ka takatso ea bong ea ntatao le ’mao. U habile liheleng kamoo u ka khonang, ha ke tsotelle seo u se etsang. U ka se bue leshano, ua utsoa; ho boloka molao o mong le o mong, le ntho eohle ese; u tla ea liheleng, joaleka lefokotsane le habileng serobeng sa lona. Empa tsela e le ’ngoe eo u ka phelang hape, ke ho amohela Moea o Halalelang, Bophelo ba Molimo ba Bosafeleng.

²³² Seo u leng sona se entsoe ka’ng? Tšimolohong, mohla Moea o Halalelang o no o fuama lefatše, ho se letho haese volekano e runyang. Ha hlaha palesa e nyenyane ea Paseka. Molimo oa re, “E shebeha e le ntile. Tsoelapele u fuame.” Lipalesa tsa hlaha. Joang ba hlaha. Lifatse tsa hlaha. Linonyana tsa fofa li tsoa leröleng. Liphoofolo tsa hlaha. Motho a hlaha.

²³³ Joale, e entsoe joang? Ha Moea o Halalelang o ntse o fuama, oa kopanya lintho tsena ’moho, potashe, khalsiamo; ha etsoa lipalesa, ha etsoa phoofolo, ho etsoa uena.

²³⁴ ’Me joale, u ka ikhethela ka tokoloho. Molimo o boela a fuama a khutlela ho uena, ho re, “Na u utloa Lentsoe la Ka? U se ke ua thatafatsa pelō ea hao, se ka mehleng ea phephetso.” Ke enoa A theoha, a rera Lentsoe.

“Evangelie eo ba e boleletsoeng ha e a...keha E sa fihlelana le tumelo, ha E a ba thusa letho ke hona.” Ba E utloile. Empa ha ba ka ba E lumela.

²³⁵ Molimo oa theoha. Oa ba bontša Topallo ea Mollo. Ho supa ka baporofeta ba Hae, lipontšo le meeka, hore O ne a eme le eëna. Ha ba ka ba E lumela. Oh, keha ba ratile ho bona mehlolo. Keha ba ratile ho utloa moporofeta. Empa ho E lumela, ba sitiloe. Maphelo a bona a ba pakile ba sitiloe.

²³⁶ “Joale,” O boletse, “le se ke la oa ka mohlala oa bao ba sitiloeng ho lumela.” Hoba letsatsing lena la bofelo, ho kereke ea Balichaba, Molimo o boetse o hlähile; pontšo e a tšoana, mohlolo o a tsoana, eona Topallo ea Mollo, netefatso, kholiso. Re se ke ra thatafatsa lipelō tsa rōna ra oa ka mohlala oa bao morao koana, oa ho se lumele, hoba re tla bolla lefatšeng ’me e tla be e le ho fela.

²³⁷ 'Me ha Moea o Halalelang o kokota pelōng ea hao, [Moena Branham o kokota sefaleng—Mong.] "Kamorao ho litsiu tse kaalo, ha u utloa Lentsoe la Ka, u se ke ua thatafatsa pelō ea hao." Ho re, "Ngoana oa Ka, ena ke 'Nete." U se ke ua sheba moromuo. Mamela Molaetsa. Lumela Oona. "U se ke ua thatafatsa pelō ea hao, joaloka mehleng ea phephetso."

²³⁸ Ha a utloa "Lentsoe la Hao," u se ke ua thatafatsa pelō ea hao. E be u re, "E, Morena, kea lumela." Ebe u kena Bophelong, Moea o Halalelang o kena ka ho uena. Moea oa hao oa khale o a shoa, o hlahisang takatso le lehloeo, le lonya le bora, le—le lehloeo le lintho tseo tsohle, lia shoa. 'Me u tlala lerato, thabo, khots, phomolo. Ho sa tsotellehe moea o foka ka matla hakae, tsohle li lokile.

Ankora ea ka e kahara lesira.
Leha fefo se ka befa sa foka,
Ankora ea ka e kahara lesira.

Ke ema, holima Kreste, Lefika le tiileng;
Mobo oohle ke hlabathe le tebang.

²³⁹ Ke lona bao. Ke mohla Eddie Perronet, a neng a ngola thoko e tsejoang eo. "Mobu oohle," malumeli oohle, litumeloana tsohle, lithuto tsohle, lia nyamela. Kreste!

U re, "Be, ke tseba Bibele." Ha u fumane Bophelo ka ho tseba Bibele.

"Ke tseba katekisima." Ha u fumane Bophelo ka ho tseba katekisima.

"Be, ke Mokreste." Ha u fumane Bophelo ka ho ipolela Bokreste.

²⁴⁰ U fumana Bophelo ka ho tseba Eèna. Ho tseba Eèna, u fumana Bophelo. "Ebe u kena Phomolong ea Hae. U khaotsa mesebetsing ea hao, joaloka Molimo ha o khaolitse ho ea Oona." U entsoe mora oa Molimo, monka-kabelo oa Molimo. 'Me haeba seo—haeba Moea o Halalelang oo o u hula, le uena u boela u hula u re, "E, Morena," kapa ho arabela.

²⁴¹ Ho bina, "Tloong ho 'Na, lona bohole ba khathetseng le imeloang. Ke tla le fumanelia Phomolo."

²⁴² 'Me u re, "Ah, ke mocha. Ke na le... Oh, molisa oa ka ha a... Sohle seo ke tlamehang ho se etsa..." Ua bona? U ke ke ua E fumana.

²⁴³ Empa ha u re, "E, Morena oa ka. Ke utloa Lentsoe la Hao. Ha ke thatafatse pelō ea ka. Ha ke tsotelle, Morena, Ke Lentsoe la Hao 'me kea U lumela. Nkuke Jesu. 'Ke tla ke le feela, ke sa kope letho, hoba Mali a Hao a tšoletsoe 'na. 'Me mono ke tla tsepisa, "Ke tla lumela." Oho Konyana ea Molimo, kea tla.'" Ho beha matsoho a hao holima hloho ea Hae e shoang, ho re, "Morena, ke moetsalibe, athe Uena u mpitsitse."

²⁴⁴ “Bohle bao Ntate a ’Neileng bona ba tla tla ho ’Na, ’me Ke tla mo tsosa matsatsing a bofelo.”

²⁴⁵ “E, Morena, kea tla. Ha ke thatafatse pelō ea ka, joaloka bao phephetsong, ke hlile kea Mo lumela.”

²⁴⁶ Ebe O etsang? O u nea Bophelo ba Hae, *Zoe*, Bophelo Bosafeleng. ’Efela ha Molimo o khonne ho re hlahisa leröleng la lefatše, e leng moo re tsoang teng... Na re tsoile leröleng? [Phutheho e re, “Amen.”—Mong.] Sohle seo u se bonang, se tsoa leröleng. ’Me efèla ha Molimo o khonne ho nketsa seo ke leng sona kajeno, ntle le boikhethelo; kaha ebile takatso ea Oona ho nketsa, le ho mpha monyetla oa ho tobana le Kalvari ho iketsetsa qeto; ke entse qeto ea ka ho lumela ho Oona; ke hakakang A tlang ho ntsosa! Haeba A nkentse seo ke leng sona, ke sa ikhethela, eaba ke etsa khetho ’me ka Mo kenya kahare; mohla A ne a bea matsoho a Hae ka Sebele, ho hlapanya ka Oona, ho thoe O tla ntsosa hape letsatsing la bofelo. Ke tla phomola ke tiile.

²⁴⁷ Ke fumane Phomolo, e seng ka hoba ke rapela ka Sontaha, e seng ka hoba ke rapela ka sabbatha. Ha e amane le eona ka letho. Ke rapela hoba ke kene khotsong ea Hae le Phomolo: khotsong, phomolo, lerato, thabo. Lifefo li ka puka. Ankora ea ka e tsetletse.

²⁴⁸ Na u fumane boiphihlelo boo, bosiung bona, motsoalle oa ka ea lutseng mona kahara tabernakele ena e chesang? Ha u a tlela ho utloa ’na. Che. U tlide ho utloa Lentsoe. Mamela, motsoalle oa ka.

²⁴⁹ Joale haeba u eso fumane Phomolo eo, u ka E fumana hona joale. Ha u a tlameha ho nyolohela mona aletareng. U ntse u lutse moo u leng hona teng. Tsepahala, u re, “Kreste, bua le pelō ea ka feela. Kea tseba hore ho a chesa. Kea—kea ke tsoehla makoeba hohle, ke fufuletsoe. Kea tšabeha. Empa, Morena, ruri, nka tšoha ke fufuletsoa ke lehlaba, le fetang lena ka boholoko, le pele ho hosasa.”

’Me ngaka e ka tšoha e sisinya hlooho ea eona, e re, “Ke lefu la pelō. Ho felile ka eena.” Ebe ho etsahalang?

²⁵⁰ Ebe ho tla thoeng? Mohla Buka e kholo e phetloang, ho tla thoeng? Le utloile sefela seo, *Ho Tla Thoeng?* “Mohla ba latotseng Molaetsa, ba botsoang boikarabelo, ho tla thoeng?” Ho tla thoeng? E nahantenjoale, ka botebo ruri.

²⁵¹ Re sa inamisa hlooho ea rōna, e nahane.

Mohla ba latolang Molaetsa ona bosiung bona,
Ba tla botsoa ho fana ka lebaka, ho tla thoeng?

Ho tla thoeng? Ho tla thoeng?
Mohla Buka e kholo e phetloang, ho tla thoeng?
Mohla ba latolang Molaetsa ona bosiung bona,
U tla botsoa ho fana ka lebaka, ho tla thoeng?

²⁵² Ntate oa Leholimo, hona hohle ho matsohong a Hao joale. Sabbatha ea makhonthe ke ena e robetse ka pel'a batho. Lengeloi la Molimo ke lena, lilemong tse 'maloa tsa ho qetela, le phatlotse pitikolohong ea lefatše. Basomi le ntho eohle ba khonne, ba lekile ho O ahlola. Empa, nako le nako, U Ipaka u le Molimo.

²⁵³ Lefatše la mahlale, kereke ea lefatše; na ba foufetse, Morena? A le mong a ka hlaha bosiung bona a rata ho bona, ho tsamaea, a sa leke Molimo, se ka matsatsing a phephetso; a sa leke ho Mo leka, ka ho loka ka Sontaha, kapa ho boloka letsatsi le ikhethang, kapa ho phethisa tumelona e ikhethang, kapa ho ba setho sa kereke e ikhethang. Empa ho rata ho tsoa le ho bolotsoa, pelōng, le ho amohela Moea o Halalelang. 'Me ba Mo batla. Ka tumelo joale, ba ntse ba leka ho Mo amohela ka pelōng ea bona. Ba ntse ba leka ho fumana mohau ho Uena, Morena.

²⁵⁴ Oh, ekaba buile ka lipuo. Ekaba ba hoolelitse. Ba sa ntse ba bolokile mabifi a khale. Ba sa ntse ba bolokile lonya la khale. E sa ntse e le mahata 'me ba bua, ba etsa tse sa ba tšoanelang. Ha ba batle hoo, Morena. Ho tla thoeng, mohla Buka e kholo e phetloang? "Empa," ho itsoe, "haele ba joalo ba ke ke ba kena 'Musong'" "Le phethehe, joaloka Ntata lona ea Maholimong ha a phethehile." Ntho efe e haellang mono e ke ke ea kena. Na ba tšepile ka ho shoerella, bosiung bona, ho ea thakhisitsoeng? Ha ho se joalo, Morena, ba ke ba etse "e" e le 'ngoe eo ea Bosafeleng hona joale.

²⁵⁵ E re, "Morena, ke...Ha se ka maikutlo, ke mpa ke utloa Ntho tlase pelōng ea ka, Ntho e reng ho 'na, 'Nka khona ho e etsa hona joale, ka mohau oa Hao.' 'Me joale ke U amohela u le Mopholosi oa ka. Ke—ke tela lintho tsohle tsa lefatše, ke batla ho kena Phomolong ya hao. 'Me kea lumela ke e etsa hona joale. Kea lumela hore Moea o Halalelang o nkenya hantle sebakeng seo."

²⁵⁶ Hloooho efe le efe e sa iname. Na motho mang o ikutloa ka tsela eo hona joale? Phahamisa letsoho la hao, "Hona joale Moea o Halalelang o nkenya moo ke sa tl'o hlola ke bua bohata." Molimo a u hlohonolofatse. "Ha ke sa tla etsa lintho tseo. Mabifi a ka a nyametse. Nka phela ka thabo le ka thabo le ka tiisetso, ho qala hona joale. Kea lumela hore Molimo o buisana le 'na hona joale, hore nka khona ho e etsa ho qala horenq ena, ka mohau oa Hae." Na le ka phahamisa matsoho a lona? Molimo a u hlohonolofatse. Molimo a hlohonolofatse mofumahatsana e mocha. Motho e mong? "Joale kea lumela."

²⁵⁷ U se ke ua Mo leka, se ka mohla letsatsi la phephetso. U se ke ua nahana kahobane re tsamaea kereke ka Sontaha, kapa ho boloka sabbatha. Pauluse o itse, "Le boloka matsatsi le likhoeli, kapa lintho tseo, le ntšositse. Molao ke seriti sa lintho tse tlang ho hlaha, 'me ha se setšoantšo sa sebele sa ntho, ha o

khone ho phethisa morapeli." Empa Kreste o a u phethahatsa, ho phetheha ka pel'a sefahleho sa Molimo. O tlosa sebe sa hao, o tlosa tsuo holima hao, ho u nea lerato la Hae le thabo.

²⁵⁸ Na u ka kena Phomolong joale? Motho e mong a phahamise letsoho la hae, ho re, "Ke entse hoo." Molimo a u hlohonolofatse, mofumahali e mocha, ka ho le letše hali la ka. Molimo a hlohonolofatse monna ea lutseng ho la ka le letona. Ho kena kahara Phomolo ea Hae, e nahane hona joale feela.

²⁵⁹ Rapela, "Ke tla ke le feela, Morena, ha ke kope letho; ha kea loka. Ha ke khone ho U hlahi setsa letho, haese bophelo ba ka ba khale, bo felileng matla, bo tletseng sebe. Na U tla nkamohela? Ho ntloekisa? Ho nkatholla? Kaha, ke tsepisitse ka re ke tla lumela. Oho Konyana ea Molimo, kea tla. Kea tla joale, ke lumela hobane ke falletse lefung ho kena Bophelong. Hobane, hantle mona setulong sa ka, ke U amohetse u le Mopholosi oa ka 'me ke utloa khotso pelōng ea ka."

²⁶⁰ Ba bahlano ba phahamisitse matsoho a bona. Na e mong a ka khona, ea iku loang joalo, ua phahamisa letsoho la hao? Ha u se Mokreste, Mo amohele hona joale.

²⁶¹ Ha u ipolela u le Mokreste 'me u sa ka ua ba mosa, u sa le moetsalibe, ho sa tsottelehe bophelo boo u—u bo phetseng, kapa u leka hakae ho iketsisa. Boikhathatso ba hao ha bo amoheloe. Ke se entsoeng ke Eèna. Ho loka ha hao ho ke ke ha amoheloa. Ha u tlohela ho tsuba ka hobane u itse, "Be, ke khaolitse ho tsuba kaha ke ipolela Bokreste." Molimo ha o bo amohele. Ha u khaolitse ho lakatsa basali, u e entse ka bouena, Molimo ha o e amohele. Taba eo e entsoe ke uena. Eo ke mesebetsi. U pholosoa ke mohau. Ana Molimo o kene ka ho uena oa ntša ntho eohle ka ho uena? Ke eona ntho e latelang.

²⁶² U re, "Ke ngolisitse kerekeng, ka tlameha ho khaotsa lintho tsena ke hona." Molimo ha o a ka oa e amohela, u ke ke ua nyehela letho. O amohela se abiloeng ke Kreste feela. O u nea Bophelo Bosafeleng, le ho e tlosa ho uena. Na u tla Bo amohela?

... koana leoatle le befile, le hlaha,
Tloo, ankora moea oa hao koung ea Phomolo,
U re, "Morauoaa ka ke oa me."

Ke ankorile moea oa ka . . .

Ho lokile, u ka phahamisa hlooho ea hao. Molaetsa o fetile joale. Ha re roriseng joale.

Ha ke sa tla sesisa maoatle a befileng;
Sefefo se ka foka, sa bilosa maliba,
Ka ho Jesu ke bolokehile kamehla.

²⁶³ Mang le mang joale, o kenethorisong.

Ke ankorile moea oa ka koung ea Phomolo,
(Sabbatha)

Ha ke sa tla sesisa leotleng le befileng;
Leha sefefo se ka foka, sa bilosa maliba,
Ka ho Jesu ke bolokiloe kamehla.

Chabela holima ka, . . .

Itšoasolle feela. Koala mahlo a hao. Na le utloa Moea o hlabosehang oo? Ke hona ho rorisa. Molaetsa o fetile. Hona ke hona ho rorisa.

Leseli la ntloleseli le nchabele,
Oho nchabele, oho Morena, nchabele,
Oho leseli la ntloleseli le nchabele.

²⁶⁴ Ba bakae ba utloang monate oo? Phahamisa letsoho la hao.
Moea o mosa oo, o ikokobelitseng, ke Eona.

Ho tšoana le Jesu, feela ho tšoana le Jesu,
Lefatšeng ke lakatsa ho tšoana le Eèna;
Leetong la bophelo lefatšeng ho ea Khanyeng,
Ke kopa feela ho tšoana . . .

Ako rorise feela.



BUKA EA BAHEBERU

Melaetsa ena e leshome le motso o le mong ka Moena William Marrion Branham e reriloeng sethatong ka Senyesemane ho tloha ka Phato 21 ho haola ka Loetse 22, 1957, mane Tabernakele ea Branham, e Jeffersonville, Indiana, Amerika, e ntšitsoe mabanteng a likhatiso a makenete 'me e ngotsoe e sa khutsufatsoa ka Senyesemane. Phetolelo ena ea Sesotho sa Boroa e ngotsoe 'me e phatlalatsoa ke ba ha Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org